

高安縣志

高安縣志卷之二十

閩範

壽婦幸氏三十都西溪太學生童大文之妻有淑德孝敬翁姑和睦妯娌數十年如一日好施子里中多待以舉火者尤尊禮師傅子姪輩登賢書者三列鬢序者踵相接壽百歲五世同堂嘉慶二十二年邑宰請於上官奉

旨建坊額曰貞壽之門 錫銀緞

壽婦陳氏七都石城陳忠功之長女

貲贈登仕郎淶江黃修紱之妻以子官

贈太孺人事姑盡孝相夫無違長子明備候選州同次子明

透太學生三子明愷福建大田縣桃源分司代理詔安

高安縣志

卷之二十 閩範

一

縣事四子鳴祥邑庠生孫曹多列泮宮其已登賢書者家琳癸酉舉人宗室教習家瓊癸酉選拔後與胞弟家驥同中丙子鄉魁現充覺羅教習壽八十七五世同堂其時長子已得曾孫也嘉慶戊辰年奉

旨旌表建眉壽延慶坊

姚貞女七家山人幼字楊林徐必梓未嫁而必梓歿於他鄉聞訃一慟幾絕矢志畱母家數年知翁姑老而食貧毅然往事以紡績供甘旨翁歿姑病牀褥經年侍湯藥不少懈撫猶子定吉爲嗣教讀婚配俾克成立道光元年奉

旨建貞女坊

朱烈婦社山邑庠生朱芳之女石塘熊成美之妻年十八歸熊甫數月夫中熱而殞力求身殉守者稍懈投繯卒閭里聞之無不驚嘆邑令王匾旌貞節流芳

盛烈婦古樓太學生盛六吉之女觀田儒童李樂之妻年十八于歸未週歲而夫歿殯殮事畢撫棺大慟曰夫魂不遠吾相從地下耳翁姑防之稍疏竟雉經而卒遠近無不嘆悼

朱烈婦富樓邑庠生幸金垣之妻垣父與兩伯父俱負才早逝姑丁氏伯姑張氏熊氏三婺同心課垣成學氏年廿一歸垣廿七歲垣歿氏有遺腹四月以頭觸棺血淋漓欲絕姑撫而泣曰兒獨不能爲吾門延一線耶彌月

高安縣志

卷之二十 閩範

二

舉雄三姑俱色喜氏含淚乳哺未幾而殤衆方聚哭氏已入室投繯矣哀哉一門三節而氏又以烈見稱何時得請於 朝以慰貞魂以勵風俗也

蕭烈婦十五都義城張國美之妻年十六適張夫嗜學成瘵奉侍湯藥三年夫歿氏年二十四號泣血流妯娌力救之經旬不寢不食投繯而死

李節婦讀岡邑庠龔倚之妻年十八歸倚舉一子三載倚歿忍死撫孤孤又殤遂慟不欲生緣重慈在堂不忍益增其痛身兼孫子以奉祖姑俱臻上壽夫以節兼孝婦代子職者有之乃更承含飴之歡惟氏僅焉撫姪爲嗣補邑庠嘉慶丁丑請

旨建坊

諶節婦南門外皮守煌之妻生一女煌歿氏年二十六痛哭已死聞姑疊喚而甦曰微姑在吾實不願生矣隱忍承歡至老不出戶庭終身布素夫弟守焜奉以裘帛辭曰未亡人心久如冰此安得煖奇語亦摯語也嗚呼可以風矣年六十一卒守焜以三子太學生均元繼其後朱節婦仁濟坊儒童徐遐齡之妻少詹敬齋之曾孫媳也年二十二結褵僅四十八日而寡家無擔石儲紡績奉甘旨雞鳴乃止每以爲常以夫弟次子嗣殷勤督課俾學有成道光三年秋隣人不戒於火燒及檐際舉室皆婦女氏命扃門往救者概不納謂媳等曰此宅豈容外

高安縣志

卷之二十 閩範

三

人入耶其臨難不苟如此

常節婦城南上坊廖功崇之妻俊名之母也功崇以贊府候補楚北出差長沙病卒氏年二十九聞訃慟絕及甦見姑哀甚乃携弱穉向姑慰藉之姑爲之止慟自是淚濕沾衣不敢失聲其孝能曲體如此今子貢成均孫輩林立鄉里稱節孝之報道光三年題請

旌表建坊

况節婦城南上坊儒童廖功璘之妻年十九歸功璘未週而寡欲以身殉水漿不入口者數日遺腹生一女門闥不踰鉛華不御以孝事其姑姑嘗嘆曰爾不幸無夫吾不啻有子矣年四十四而卒道光三年題請

旌表建坊

熊節婦北城碧落巷陳朝俊之妻年二十六夫以疾歿勵志守貞辛勤三十載終事翁姑畧無遺憾五十六歲而卒

程節婦平湖儒童曾希賢之妻太學生愜之母也年二十一愜生旬有三日而希賢卒老母雛孤婦兼子職母兼父道數十年如一日姑每稱其孝慈貞淑人無間言嘉慶庚辰請

旨建坊

鄧節婦赤城陳紀週之妻年二十三生子五歲夫亡守節撫孤事翁姑尤謹有諷其改適者作詩見志曰上有翁

高安縣志

卷之二十 閩範

四

姑下有孤翁姑誰事孤誰扶妾死不肯况肯嫁願完夫志向泉下乾隆乙卯年六十四請

旨建坊子有慶職員孫業儒

吳節婦南鄉石溪太學生鄒學禮之妻年二十五而寡矢死者數四念姑近六旬孤纔五月強起毀容苦績佐食姑與孤卒賴以全壽七十有二

黃節婦南塘儒童何紹家之妻年十六歸何二十七夫歿無子念翁姑垂暮不敢死紡績勤勞奉義無缺以孝聞撫姪爲嗣教養倍至守節二十九年艱苦備嘗冰霜競潔鄉黨稱賢

李節婦三十三都洋源儒童曾唯之妻登仕佐郎李馨谷

之女十九歸唯挑燈佐讀唯以屢試未售憤激成疾尋歿氏矢志守節事衰姑撫幼子備歷艱辛後子玉璽復早卒媳吳氏能體姑志煢煢相依見者惻然道光四年邑令以雙節旌其閭

何節婦南塘邑庠何圖之女龍口儒童楊瑞輯之妻年十八適楊越四載夫卒子一歿繼一子又歿氏悲極嘔血死而復甦親族婉諭復繼一孫督課勤學有成年七十嘉慶庚午奉

旨建坊崇祀節孝祠

彭節婦墉溪汪安顯之妻年十八歸汪半載夫亡欲以身殉爰幡然曰奉姑以代子職立子以繼夫後此吾事也

高安縣志

卷之二十 閩範

五

遂忍死守節撫嗣子杰克振家聲嘉慶二十一年捐授州同加二級遵例

誥封宜人年五十而卒

李節婦四都儒童鄧如輝之妻貢生傳英之母也子生數月夫卒以翁姑在堂弱穉在襁不克殉終日紡績供甘旨親族罕見其面嚴督子課以繼夫志年六十二奉

旨建坊崇祀節孝祠

吳節婦南溪甘露斯之妻年二十有四子生五月而夫歿矢志堅貞克全苦節撫育孤子訓迪有方事姑孝養無間子列成均孫曾玉立鄉里咸稱節孝之報

劉節婦四十一都南浦儒童武廣提之妻太學生劉霖之

女也年二十四夫歿矢志柏舟家貧紡績課讀二子俱克成立孫曾蔚起年六十一請

旨建坊崇祀節孝祠

陳節婦十一都山畚傅予佐之妻子生歲餘夫歿氏年二十六冰霜自凜事親撫孤數十餘載僉誦孝慈嘉慶丁卯年七十郭廣文題贈壽文丁丑年八十請

旨建坊崇祀節孝祠

黃節婦高明門內關團儒童周開蓬之妻年二十七蓬歿以姑在忍死奉養極得歡心姑病躬親湯藥日夜侍側不倦姑歿哀毀欲絕勤儉自持冬紡夏績垂四十年撫繼子慶元孫二俱課讀成人

高安縣志

卷之二十 閩範

六

傅節婦邑庠生傅克家之妹貢生范敏求之妻年二十九夫歿事姑曲得歡心家頗豐處之如貧素凡女紅必身先婢媪有告急者濟弗吝鄉里德焉勗子以繼父志屢試前茅咸以爲有和九畫荻之風

朱節婦南山儒童何天爵之妻監生朱道光之長女年十七歸何生子巨鰲甫週歲翁及夫踰月相繼歿姑素善病氏以一身撻其難仰事俯育克盡孝慈白首完貞允孚輿論

蕭節婦中書蕭德充之長女南山儒童何暄之妻也生子珙及瑱年二十六而寡時瑱甫踰月奉養翁姑務得歡心義方激勸至於垂涕鄉里賢之

吳節婦井塘儒童幸鍾之妻生子學謨氏年二十有四夫歿矢志撫孤爲娶母家生員吳庭芝女年十七于歸越六載學又歿一門雙寡形影相弔鍾兄監生錦憫其無嗣以孫棟入繼於學黃學博文穀匾旌松柏同操

鄭節婦年十三歸北城叢桂坊幸守仁越四載子甫生而夫歿痛絕復甦翁積貲頗裕覬覦者欲二其志至屢以利刃相逼乃仰天誓死取刀斫左肩血涔涔下慷慨盟心棄產不顧日事紡績孝養重闈祖姑得痿痺疾手足不仁湯藥寢食侍之九年及亡典衣殮葬盡禮盡哀其繼姑亦抱疾三年而歿生事死葬悉如之事聞奉

旨旌表建坊現年八十有三子孫顯達咸稱報施不爽云

高安縣志

卷之二十 閩範

七

劉節婦一都清湖太學生朱道輔之妻弼宗之母也年二十八而寡欲以身殉旣而嘆曰堂上髮白如此偕亡非所以慰夫子於地下也含淚忍痛日勤紡績奉養無違二十年而卒今孫曹林立邑令給匾旌之

謝節婦墉溪儒童汪肯堂之妻篝燈佐讀漏盡弗輟敬事舅姑能得歡心歸甫年餘而寡慟幾絕顧老親在堂節哀承養繼姪綉級爲嗣延師教讀俾克成立今年踰六十距夫亡已四十二年矣邑令給匾旌之

陳節婦一都左橋人儒童劉觀盛之妻事姑以孝聞年二十八夫卒以姑老子幼不敢死矢志守貞姑患中風疾氏親湯藥焚香默禱請以身代姑逝殯葬盡禮今五十

有九子鳳章入邑庠諸孫玉立人以爲節孝之報道光
三年題請

旌表建坊

鄒節婦華塘田守學之妻年二十夫亡矢志守節孝事翁
姑里黨賢之今五十有三撫姪規連爲嗣教養備至子
入成均諸孫林立

童節婦城南常家巷儒童常燦元之妻生一女夫歿時年
二十八哀毀骨立孀姑婉諭之因而嘆曰姑在婦何敢
死惟有仰承姑志而已繼猶子泰亨爲嗣弱冠遊庠籍
列明經皆慈訓也以婦代子以母兼師能使其子克振
家聲咸謂一門雙節之報邑令旌之

高安縣志

卷之二十 閩範

八

况節婦鄭洪考之妻年十九子生數月而夫歿家固貧事
姑以孝撫孤成立年七十而神明不衰邑令旌之

金節婦三都菊坊朱鶴輔妻年二十二夫卒欲以身殉姑
勸之勵志守節勤紡績以奉姑姑年七十餘病足數載
每起居悉爲扶持妯娌咸仰賴焉訓繼子弼朝成立現
年七十有九邑令旌之

劉節婦翰塘單昭連之妻年二十歸單事翁姑以孝聞越
數載夫歿子僅二歲氏矢志柏舟備嘗辛苦堅操四十
餘載人無間言

劉節婦珠湖郡庠生傅昆怡次子錫光之妻城上太學生
劉天從之女也年二十八夫亡子甫二歲孀居二十餘

年未嘗越閫事翁姑撫弱息孝慈並至人咸謂女中君子

涂節婦湧溪郡廩生熊椿妻也事舅姑至孝二十八歲夫歿臨危時囑其教子讀書俾紹厥志氏涕泣任之子履吉甫四歲卽出就傅督課甚嚴今補博士弟子員舉優行皆母訓也現年六十有三邑令匾額旌之

張節婦太平門儒童金煥華之妻事舅姑以孝聞生一女許字黃年二十五夫歿遺腹生男及期而殤撫姪爲嗣以讀書勤苦早逝女適黃者亦亡烝獨無依清操愈勵苦節三十餘載里黨憐之道光元年奉

旨建坊崇祀節孝祠

高安縣志

卷之二十

閩範

九

幸節婦南塘郡庠生何大興之妻年二十二夫歿踰年姑歿又二年翁亦歿時諸季俱幼氏調辦喪葬悉合於禮性勤儉寒機達旦年四十一卒嗣子讀書有成人謂苦節之報嘉慶十年奉

旨建坊崇祀節孝祠

劉節婦城南常家巷儒童常琇元妻也事翁姑以孝勤紡績挑燈佐讀夫以屢試前茅不售病歿氏年二十六守貞五十年撫兩孤並能成立今年七十有五諸孫蔚起邑令旌之

劉節婦四都平湖曾安迪之妻生子邦維甫四歲夫歿于楚南紡績自給守志二十七年臨終謂子曰汝父客死

不獲歸櫬心嘗恨之我死可鬻遺物歸父骨入先塋吾得見爾父地下矣邦維尋扶櫬歸葬邑令給匾旌之劉節婦四都翰塘胡誨義之妻子甫三歲而誨義歿氏年二十二痛哭幾絕孀姑藍氏泣語之曰我辛苦備嘗行將就木兒死幸有雛孤爲胡氏延似續者責綦重汝死孤能獨存耶乃茹蘖飲冰孝慈並至今子其暉貢成均道光三年請

旨建坊崇祀節孝祠

吳節婦城南上坊李茂紬之妻年十八夫歿氏欲相從地下飲食不進者數日翁姑諭之曰汝遺娠在腹倘克紹宗支賢於死矣踰月果生男撫孤教讀孝事翁姑生養

高安縣志

卷之二十

閩範

十

死葬無遺憾現年五十有五邑令給匾旌之

吳節婦龍橋新居金繩閑之妻年二十三生子甫歲餘夫亡痛絕姑救之甦泣諭曰善撫孤善事我亦懿行也何必死氏含涕承命孝慈並至紡績教讀子章英年入泮今氏年逾七旬孫曾林立食報未艾

袁節婦碧溪儒童劉盛美之妻年二十而寡柏舟矢志三十年如一日事舅姑極孝事庶姑有加禮遺腹子名全珍齒長於庶叔行幼卽導之以禮使知敬讓及長行誼粹然援例受職從母教也

袁節婦碧溪儒童劉全信之妻年十七歸劉生一子甫數歲而夫亡祖姑且七旬泣曰兒年穉孤苦如此去畱惟

汝不汝強也氏跪而號曰兒所以不死者爲劉氏一塊肉與太姑耳不然且就死安忍有他志耶食貧茹蘗克全孝慈戚族賢之

張節婦週嶺儒童高宗凰之妻年十七歸高性閑靜奉姑甚謹越八載夫歿次子甫四月忍死守節事親撫孤孝慈兼盡今年近六旬後嗣森立天之所以報苦節也

鄒節婦四十都官塘儒童熊心泰之妻年二十八夫歿子甫五歲事姑撫孤曲盡孝慈後舉二孫長五歲次三歲媳亡凡教養婚配諸事氏復任之艱苦一生心如鐵石現年六十有六邑令給兩世慈恩額以旌之

劉節婦年十七適菱塘儒童皮慰慰屢試前茅不青一衿

高安縣志

卷之二十 閩範

十一

鬱鬱成疾以歿氏年十九誓欲身殉姑泣曰兒死賴有汝汝死予何依氏悚然含淚而起事孀姑極誠繼猶子叔和爲子家貧勤紡績爲課讀貲叔和補博士弟子員孫家駒亦列邑庠邑令給匾同旌

劉節婦年十八適菱塘儒童皮守性雞鳴佐讀學業有成邑侯黃深契之屢拔冠軍守性慰之兄也伯仲均以未列鬢序賚志而歿氏年二十有二哭絕者數次姑泣曰汝夫嘗以寡弟婦無子爲憾汝子幼穉遺娠在腹倘再索得男則妯娌各有一子同心撫育以冀其成所以慰汝夫者不較愈於死乎越數月生叔和爲慰嗣督課之勤氏實與有力焉

劉節婦菱塘儒童皮守紳之妻年二十有一夫歿有諷以改適者氏曰孀姑七旬雛孤三尺若有異志何以見夫於地下矢死靡他年六十而歿

冷節婦溪頭謝睦初之妻年二十八夫歿遺四孤日夜紡織爲諸子婚配教讀之貲後俱成立家業漸豐長子列成均孫曾森立年八十四邑令旌曰節壽之門

聶節婦花苑渡伍良英之妻良英佐父起家旋歿氏年二十有八門以內事無鉅細悉身任之茹苦如節服勞不瘁翁姑稱其孝而賢人無間言子二長援例授職次貢成均邑令旌之

簡節婦官泮儒童傅社宗之妻年十九歸傅恪盡婦道得

高安縣志

卷之二十 閩範

十二

翁姑懽七歲夫歿以腹有遺孤渙忍苟活越月生男勤機課讀不少懈年五十九子媳俱亡懼絕夫祀繼從孫爲後苦節彌貞卒年六十九邑令旌之

敖節婦大港周萬發之妻年十七歸周越十一年夫歿冰霜自凜課子尤嚴賴以成立貢成均年六十戚族欽其懿行額以柏舟永壽邑令旌之

盧節婦雲堆傅丕各之妻年十八歸傅克盡婦職越十二年夫歿孝敬事親義方訓子二子俱貢成均孫曾蔚起可以告無媿矣

劉節婦藍坊藍正興之妻夫歿氏年二十九矢志守節繼猶子璠爲嗣賴氏教養身列郡庠姑病侍湯藥十數載

無倦容鄉隣多樂道之六旬時邑侯邢匾旌柏節松齡
現年七十有五

陳節婦城上李初愍之妻愍歿氏年二十五次子在襁褓
翁姑携抱二子號泣一庭氏見而嘆曰吾不能從夫于
地下矣遂以一身俯仰任之數十年如一日艱貞自矢
人無間言六十七歲而歿次子入成均孫曾林立邑令
旌之

梁節婦赤土陳上騫妻年未及笄歸陳歲餘舉一子而夫
歿遺腹又舉一子茹苦撫孤或難之遂截髮以明志道
光初年當事擬 上聞以旌其節不果邑令旌之

張節婦年十七適荷山儒童陳遠正遠正爲侍御史擎亭

高安縣志

卷之二十 閩範

十三

公裔孫家徒壁立歿時氏年二十有六遺三子有憐其
貧而勸之貳者峻拒之惟以撫孤事親爲己任每乏食
率子陟荷山採薇蕨食之今氏年七十有三矣家曰充
裕而儉約如故嘗命子修治橋路調恤孤寡施予不倦
聞婦女有怨貧者備引身歷之境以最之其貞節勵俗
巾幗中足師範焉邑令旌之

彭節婦錦水太學生彭泗之女適蕭坊郡庠生用行家貧
以紡績佐讀生子二次子甫數月用行以攻苦咯血亡
氏矢志撫孤俾皆成立次子薦馨補博士弟子員克繼
父志鄉隣交賢之

謝節婦十八歲歸大港周長瑞七載夫歿子亦繼殤有欲

奪其志者割鼻自矢以猶子守義爲嗣節操之烈當於古巾幗中求之耳

鄒節婦前坊儒童冷超孝之妻年十八歸超得舅姑歡及兩載生一子而夫亡忍死守節事親育子歷久彌堅厥後子貢成均娶褚氏舉一孫亦年二十而寡褚體鄒志共勵冰霜今鄒年五十有一孫名殿元恂謹讀書將以卜雙節之報邑令旌其門

廖節婦年十九適儒童楊懋賞賞以力學致疾歿氏年二十有五撫猶子守志爲嗣賞父官於黔爲銅仁貳尹聞賞歿致仕歸氏奉養尤謹族隣請於官而旌之

劉節婦楓林李同柏之妻年二十五而夫歿衰姑在堂責

高安縣志

卷之二十

閩範

十四

無旁貸義不得以死殉越三月遺腹生子保抱提攜備極勞瘁孝慈兼盡人共稱之年七十有一孫曾繞膝稱家瑞焉邑令旌之

趙節婦年十三歸朝天坊楊守成少孤貧家政皆內助生子二越數載夫亡丁零無依附教養之資罔不出于女紅現年五十有七清操勁節人無間言邑令旌之

楊節婦西湖村葛象報之妻年十九歸葛伉儷兩載生子夫歿慟絕復甦者數矣姑抱遺孤慰之哀稍釋茹荼飲藥備極辛勤歷三十寒暑姑病侍湯藥彌月不倦及逝摒擋營葬無少缺禮年五十有五節孝之名里黨交推

胡節婦七都征溪胡正紀之女年二十歸淥江黃培德賦性貞靜事姑最孝越八載培德歿撫伯兄之子修紱爲嗣卒年八十七守節六十年足不出戶庭非至親罕覩其面痛夫業儒未竟勵志以教子孫延名師制學田設家塾今生花書室其遺命也孫曾登賢書者三在膠庠者七督學使者王省崖贈以勁節蔭昆匾額將請

旨旌表以彰節孝後其媳陳氏亦壽八十七五世同堂建延慶坊

涂節婦黃絲塘羅克繩之妻年二十一生一子洪書甫三齡而夫歿視殮畢撫棺欲殉妯娒咸曲諭之遂矢志課子俾克成立嘉慶六年邑士議修考棚命子捐金分建

高安縣志

卷之二十

閩範

十五

一所卽今丙字棚也

胡節婦衙門儒童周學汲之妻年二十歸周越五載生子世恪甫半月夫歿氏痛哭不欲生翁姑諭之曰爲夫殉節易爲夫存孤難汝盍爲其難者迺矢志柏舟奉親教子今年踰七十四世同堂鄉隣婺婦引以自勵邑令旌之

朱節婦濠上儒童陳華婆之妻年二十歸陳生子甫十月夫亡翁老多病以慟子加劇氏奉侍湯藥暗自飲泣不敢有戚容翁每語人曰其節不可及也其孝尤不可及卒年五十族黨罕識其面貞靜純淑人咸仰之子亦克家

熊節婦中廟前陳正調之妻情性幽閒言笑不苟二十六歲夫死勵志守節藉女紅爲活計事翁姑益以孝著善理家政訓諸孤有陶母之風現年七十有六神明不衰邑令以貞壽如松旌之

謝節婦下十二都潁江吳岡裴之妻年十七歸吳姑旋歿有季甫四齡氏愛護周至踰於所生越十載而夫歿矢志守節事衰翁倍極孝敬教二子成立僉謂婦兼子職母全父道嫂備母恩氏其有焉年六旬時郡學博傅公峒贈以松操鶴齡匾額

徐節婦南城仁濟坊廩生徐尙禮之女霞溪儒童金殿之妻也年十八歸金績燈佐讀相敬如賓不數年夫以勤

高安縣志

卷之二十

閩範

十六

學致疾卒子生甫六日氏椎心泣血誓不欲生翁諭之曰死節難立孤更難汝死如此呱呱者何乃屏棄鉛華不出閨闈者二十餘年事親教子人咸稱之

胡節婦霞溪金繩汪之妻年十九適金善事翁姑子二其恭其寬未十年夫歿矢志撫孤力勤紡績親操井臼與其子居績致富年七旬時邑宰陳公錫以筠節永芳匾額今子孫登庠序膺仕籍者接踵而起壽八十有五蕭節婦十六都况正蒙之妻結褵四載正蒙歿時氏年二十一遺腹生一子家極貧紡績自誓奉姑育子艱苦備嘗享年七十有三五十餘年冰操勁節人無間言

伍節婦年十六爲三十都泰溪儒童楊文光之妾踰年舉

一子僅四齡而文光歿正室慮其年少不能守氏奮然曰烈女不嫁二夫妾豈有以異乎遂冰操自勵事姑極孝與正室力勤紡績教子讀書以繼夫志子昭創學幾有成娶蕭氏舉孫二而昭創亦歿氏勸媳守節甘苦與共現年九十有二二孫俱入成均邑令以簞室高風旌之

庠節婦洪城太學生幸璠謨之女年十七適伍橋儒童何三易爲妻結褵數載生子女二人夫以屢試不售服賈於蜀未三載客死氏聞訃號呼慘戚欲絕翁姑力勸止之乃忍痛含辛勤紡績積鍼黹奉親撫孤稱未亡人者三十三年今六十有四子孫成行邑令旌之

王節婦二十二都沙溪况大膠之妻年二十六膠歿長子甫二歲次遺腹生家徒四壁氏茹荼飲蘖事姑得其歡心教子均能成立守節四十四年卒年七十後嗣蕃昌陳節婦十九都梅湖彭必彥之妻年二十一生二子而彥歿臨危時囑以一子必使讀書後以經營家務爲貢成均感然抱憾加意課孫今孫列郡庠成其志也現年七十有六邑令旌之

賈節婦五里諶守看之妻生子三氏二十六歲夫歿紡績辛勤以長以教俾皆成立長子秀忠娶珠湖傅氏六載而秀忠歿傅年二十二號慟幾絕氏泣謂之曰吾上事孀姑身爲嫠婦今又見汝寡三世邁難命也汝盍效祖

姑偕我而安乎於是姑媳同操三十餘年鄉里嘆其一門競節傅無子以猶子子之

謝節婦畚山賈榮京之妻年二十五而寡家貧子幼姑嘗病朝夕侍奉無倦容姑歿手續躬薪嚴以課子謂承夫後者惟此耳倘無成何以見先人于地下今子克樹立族隣咸稱道之

黃節婦畚山賈世平之妻年十八于歸二十六夫卒白髮黃口嗷嗷待哺氏仰事俯育備極艱辛越數歲姑歿子亦死氏呼號曰天降予罰不予矜予先人其無後乎繼從子爲嗣清操二十餘年族隣嘆爲苦節

陳節婦畚山儒童賈世紹之妻年十七歸賈越一紀夫歿

高安縣志

卷之二十 閩範

十八

無子矢志守節孝事舅姑鄉黨稱之

諶節婦傅代德之妻年十五歸傅二十八而夫歿義方訓子俾克成立現年七十有三守節四十餘年鄉里賢之
邑令旌之

陳節婦曉岡儒童龔大邦之妻年十八夫歿生一子甫週晬家貧勵志守貞事姑極孝撫育孤兒俾克成立舉二孫子又歿教養婚配氏復任之現年七十有三邑令旌之

傅節婦五里諶意忠之妻年十六適諶二十五夫歿僅生一子家貧日勤紡績年三十七子亦歿清操愈勵撫姪厚瓊爲嗣現年八十有三邑令給匾旌之

李節婦南城連通坊武生王兆麟之妻生員李一元之女
年二十八夫歿家貧氏矢清操勤紡績事翁姑盡禮撫
子克底於成

吳節婦四都璵溪儒童程鳳翥之妻年二十歸程數月夫
歿矢以身殉翁姑止之日勿爾俟妯娌中有多子者撫
其一以繼夫後賢於死矣氏承命勵志守節越歲以兄
子步青爲子延師督課未弱冠補博士弟子員節孝之
報未有艾也

胡節婦稠溪儒童鄒國璞之妻舉人守約之女山東陽信
令諮聖之胞妹也年二十守節奉姑極孝延師課讀子
泰來列郡庠試輒高等孫亦積學有成現年八十有四

高安縣志

卷之二十

閩範

十九

日久盲復明邑令以節孝通神旌之

伍節婦南城錦水彭振倫之妻年十九于歸生子二夫病
甚料量藥餌者經年及卒氏竟投繯翁姑救之謂氏曰
爾甘殉夫亦何憾其如此呱呱者何遂忍痛撫孤皆得
成立鄉隣交稱之

朱節婦朔溪陳文搜之妻易坊朱相烟之女也年十九歸
陳有順德越九年夫歿腹有遺孤踰月舉一子撫育教
讀之資皆藉十指現年六十有三苦節已三十五年矣
邑令旌之

徐節婦筠南連通坊趙惟擗之妻仁濟坊歲貢徐錦堂之
次女也年二十九夫歿家貧雛孤在襍翁姑衰病論者

難之氏艱苦備嘗三十九年如一日今子貢成均家聲漸起母德也

蕭節婦龍山儒童吳居晃之妻義夫吳啗鳳之子婦也于歸七年生二子長四歲幼甫六日氏年二十有六夫亡幾不欲生翁及妯娌以大義諭之未幾長子又殤氏思翁年已衰饗殮莫給兒在襁褓乳哺誰供遂不死躬親薪汲謀菽水以承歡者歷三十八年今六十有四子方踰壯孫亦就傅知天之默相之矣邑令旌之

胡節婦赤土陳聞會之妻年二十夫亡無子以翁姑在堂勵志苦守孝養備至勤儉畢生里黨重其勁節

鞠節婦赤土陳北鱗之妻年二十七夫死長子二齡幼子

高安縣志

卷之二十 閩範

二十

甫生氏矢志不二事翁姑以孝聞卒年七十有一冢媳夏氏年十八而寡善繼姑志清潔不渝蓋家範然也今次子貢成均孫曾蕃衍天之報施雙節云

萬節婦赤土庠生陳毓英之妻年二十五英死家貧苦節孝養翁姑卒撫四雛成立蜚聲鬢序者二年屆八秩時賀藕田觀察守南昌郡以節並冰霜額旌之

章節婦昴溪儒童鄔兆淇之妻生子二夫歿氏矢志守節家素封處之淡如事翁姑克盡孝道教子以義方均克成立

陳節婦四川射洪縣廩生陳仕能之女年十五適嶺下鄧萬車二十八夫歿矢志柏舟日夜勤苦內外兼營延師

訓子督課綦嚴孀居二十餘載現年五十六邑令旌之
鄭節婦彭志理之妻年二十九夫歿事姑育子孝慈並至
現年六十五歲以子援例授職

貶贈孺人

王節婦四十五都一畝三湖湖邊張廷獻之妻年十八于
歸摒擋內政有條不紊越六年夫亡子甫週晬零丁孤
苦撫以成立事孀姑以孝聞堅節已四十餘年邑令旌
之

金節婦赤土儒童陳夢鰲之妻二十四歲夫亡無子氏慮
謀遺產者爭繼爰按周親次序擇賢能者三人承其後
分授家貲延師課讀三子均列庠序其邁姑每謂人曰

高安縣志

卷之二十 閩範

二十一

微吾媳卓識吾安得繞膝含飴之樂耶道光二年

旌表建坊

吳節婦赤土儒童陳顯謨之妻年十八歸陳結褵甫二月
夫卽世繼猶子以續夫嗣督課甚嚴能以母道兼父道
巾幗丈夫也

胡節婦三十都東林朱良正之妻年二十四夫亡僅遺二
女繼猶子爲嗣教育備至現年六十有八子列鬢官邑
令旌之

蕭節婦郡庠生壯行之女蔡溪胡乘龍妻也生女甫週晬
夫亡氏年二十七紡績撫孤女後適孝廉童星耀繼二
子恩如己出孀居四十七載冰雪不逾里人恒舉東野

烈女操以相況

劉節婦一都清湖職員朱鈞妻也生二女年二十八夫歿
慟幾絕水漿不入口者數日以翁姑老兩夫兄遠宦侍
奉無人不克殉代子職供甘旨以伯之子承嗣迄今三
十餘載荼蘼冰霜稱節孝之最

涂節婦蛟溪儒童喻上熠之妻年十九而夫亡七十九而
未亡始亡六十年言笑不苟冰操凜然繼嗣成立孫枝
蕃衍蓋其閨範高風食報未艾也

胡節婦四十二都務農鄉瑤溪朱繼周之妻幼有慧質內
則女誠諸書皆能通曉及于歸事翁姑以孝聞生一子
夫歿氏年二十四脫簪珥勤紡織冰操自矢數十年如

高安縣志

卷之二十 閨範

二十二

一日年五十六而卒

蔡節婦三十三都清平朱道輝之妻十八歲于歸甫半載
而夫歿哀慟屢絕姑勸慰之守節事姑克盡孝道撫猶
子爲嗣教養婚配俾克成立孀居三十七載現年五十
邑令以額旌之

張節婦三十都下觀太學生童暄祖之妾年二十歸童越
四歲舉一子夫歿冰霜自凜仰事俯育孝慈兼盡紡績
之勤數十載如一日子遠清援例授職孫二俱貢成均
今曾元玉立卒時年六十有四

熊節婦三十九都上塘胡如江之妻年二十六夫亡無子
誓不獨生舅姑委曲開諭忍死以代子職孀居三十餘

年心堅金石志凜冰霜族隣至今稱之繼伯兄次子濟源爲嗣援例授職孫入泮宮

張節婦沙溪陳州閩之妻年十七適陳事翁姑能得歡心夫亡子甫四齡紡織撫孤訓以義方不少姑息俾克成立里黨賢之

胡節婦城北碧落山候選叅軍彭大健之妻也年十六歸彭姑邁而瞽朝夕侍奉無少倦數年夫歿慟幾絕以姑與兩孤故忍死守節勤勞課子俱貢成均諸孫玉立現年八十有六邑令以節壽延禧旌之

唐節婦雷峯太學生姚席珍之妻珍兄希元早逝嫂氏陳青年守志有嗤其愚者氏艷然曰此等境地各有性情

高安縣志

卷之二十

閩範

二十三

非關愚智如必以守節者爲愚豈失節之婦皆智耶况宁節有許多大事正惟大智若愚者克任之亦有愚極智生所謂愚不可及失節者貪目前之歡娛敗一生之名節守節者以數十年之艱苦爲千古之完人孰愚孰智當於此辨之耳未幾珍歿子二俱幼氏年二十餘與陳兩婦一心孤鸞寡鵠相對恬然孝養衰翁義方訓子無不倍至氏羸瘦多疾嘗辛勤達旦不憚勞瘁以此克家子俱成立年五十有七邑令旌之

劉節婦一都櫟里村艾以縣之妻年十八于歸越三載夫歿氏忍死守志奉養翁姑僉稱其節孝俱盡現年七十八歲

朱節婦兄爲郡庠生朱藹緒與儒童劉三益交遊以氏妻之至二十八歲三益病彌留累月服待湯藥晝夜不倦及卒勵志守節躬親井臼繼猶子輝祖爲嗣教讀有成現年五十九歲

謝節婦花苑熊培因之妻田西謝忠殷之女也年十七歸熊九載以力學致疾卒氏遵姑諭忍死撫孤仰事俯育孝慈兼盡孀居三十餘年族黨欽重之

劉節婦前港儒童謝世杞之妻年十八歸謝越六載而夫歿氏矢志守貞撫孤成立舉一孫子亦旋歿姑媳孀居冰操輝映課孫有畫荻之風年週六旬學博傅公峒贈以貞德引年匾額現年六十有六孫曾林立

高安縣志

卷之二十

閩範

二十四

席節婦年十九歸卅都瑪瑙儒童張速喜越八載夫歿守節事親克盡孝道子積學能文屢試冠軍賢母督課之力也現年五十五邑令旌之道光九年請旌建坊

吳節婦適岡上廩膳生袁宗聖之子虞淮爲妻年二十六年八十有一邑令以筠節松年贈之

何節婦龍山儒童吳嘉賓妻也性貞靜年二十歸吳嚴內外寡言笑翁姑善之逾年夫病不起時翁服賈於外忍死奉姑翁以姒續計外娶生子女挈之歸氏一身周旋其間能各盡其道今繼叔子爲嗣鄉人多稱誦焉

朱節婦龍山吳虬龍之妻年十八于歸篝燈佐讀相詠宜

家夫以勤學致病不起越兩月遺腹生一子名餘慶入
成均雲初蕃衍氏守貞四十餘年奉親撫孤親族罕見
其面年六十五而卒

廖節婦奉新沙洲廖映斗之女年十七適龍山儒童吳兆
鰲生子演甫一歲而鰲歿氏釋釵澤安綦縞誓志撫孤
鰲曾以仲子爲伯父嗣氏事兩處舅姑俱能得其歡心
每以夜績督課子弱冠遊泮現年六十有二邑令旌之
鄧節婦濠溪儒童黃文炳之妻年十四歸黃所生子女俱
殤二十三歲而寡有以改適勸者氏曰翁姑在誰與奉
養勵志守節生養葬祭無稍遺憾繼從子良瑞爲嗣現
年六十邑令旌之

高安縣志

卷之二十

閩範

二十五

謝節婦南城儒榮坊晏詒輝之妻年十七歸晏生子女尙
幼夫以病卒氏絕食數日因姑邁諸孤待哺忍痛守志
竭仰事俯育之誠子又不幸立伯子普集爲嗣

劉節婦十七歲適南鄉山畚傅予恩生子言慶甫二齡夫
病逝氏呼搶欲絕姑以仰事俯育勉之氏清操自勵克
盡孝慈鄉隣稱之

朱節婦飛仙橋儒童姚鳴鳳之妻十九適姚生子廷棟甫
一歲夫歿氏奉親撫孤克盡孝慈廷棟未冠復歿遺女
孫二人姑媳雙寡相依爲命今年五十有六守節三十
二年聞者憐之族議以猶子爲嗣邑令旌之

冷節婦二十九都釣溪朱祖煥之妻年十八歸朱二十二

歲祖煥辭世氏以死自誓噎不容粒者數日其父母勸之曰汝徒死而夫無後曷若立繼以延嗣乎于是撫猶子殷勤教讀事翁姑備極孝敬苦節三十餘年人皆賢之

姚節婦堰溪黃公塘梅文衡之妻邑庠生姚介之女文衡早逝氏矢志撫孤事翁姑克盡孝敬撫諸姪若己出日夜紡績至老不倦延師課讀有賢母風現年八十六歲五世一堂子孫林列學宮邑令以節壽永昌旌之

漆節婦四都庫南左觀光之妻生子女三人年未三十而寡氏潔滌澹勤訓課婦兼子職母兼師道長子能修家政幼子克紹書香其食報未艾也

高安縣志

卷之二十

閩範

二十六

龔節婦官庄太學生陳紀綱之妻年二十九夫亡事翁姑撫二孤克孝克慈現年六十四歲一堂四世邑令旌之
吳節婦四都庫南左禮猷妻也年十八于歸二十七而寡牽蘿補屋十指忘勞畫荻訓孤一身况瘁數十年如一日今五代一堂閨婺多艷羨之邑令旌其閭

袁節婦二十六都洲峯陳世元之妻年十七歸陳二十五歲夫歿克勤克儉惟孝惟慈現年五十五歲子二予情予性均能成立邑令旌之

鄒節婦年十八歸李口丁良光姑早歿翁垂暮越歲生一子丁卒矢志守貞而父母不諒氏曰未亡人所以不死者欲爲死者全子道延後嗣也兒身不足憐乞憐此心

耳子長娶唐氏連舉四孫子又喪姑媳相依爲命午夜
機聲與讀書聲相間孫曾秀發採芹折桂者踵起鄒年
八十有六唐六十有七俱及見其盛焉

熊節婦九旭塘傅世爵之妻十八歲歸傅生子永順甫二
齡夫亡氏年二十六矢志守節事親無憾撫孤有成現
年六十孫枝蕃盛

胡節婦窩子里陳裔德之妻生子未週睟夫歿氏年廿五
雖家計貧窘而矢志靡他敬奉翁姑撫育孤子克盡婦
道鄉里賢之現年六十一

吳節婦年十九適鰲坊鄭日緩二十五歲夫歿撫伯兄太
學生日升之子爲嗣與曾祖母熊祖母黃四世三孀熊

高安縣志

卷之二十

閩範

二十七

守節五十餘年黃守節四十八年今氏已守節三十六
年變故愈極節操愈堅嗣子運光貢成均邑令旌之

冷節婦良溪候選州同朱和臣之妻上高監生冷文汪之
女年十六歸朱二十六歲夫歿氏守節四十餘年撫猶
子爲嗣其夫弟輔臣任黎平府叅軍哀氏苦節

貶封八品孺人以慰之

艾節婦硃砂高元國之妻年十五于歸內政摒擋有條不
紊越六載生二女而夫亡以翁姑垂白無依不忍偕亡
家故貧紡績供甘旨現年五十七歲邑令旌之

劉節婦十一都細溪張膺全之妻幼嫻姆訓年十七歸張
生三子年二十九天歿日勤紡績以撫遺孤有和丸畫

荻之風孫曾繼起皆淑德所致也

盧節婦二十七都橫溪劉祿念之妻十九歸劉生二子夫歿孝事翁姑勤操井臼遺孤婚讀俱以十指維持守節三十八載年六十有六而終長列成均次亦佳士

盧節婦二十五都王均橋袁清論之妻年十九歸袁越五年生子女各一夫歿以翁姑衰邁子女孤幼忍死守節備極孝慈稱未亡人者三十一年

劉節婦年十六于歸一都櫟里艾滔爲妻六載生一子滔亡柏舟自矢孝養翁姑撫孤成立現年五十八守節已三十七載矣邑令旌之

冷節婦瑪瑙儒童張必匡之妻年十七歸張越八年必匡

高安縣志

卷之二十 閩範

二十八

染沉疴不起氏事姑教子名隸成均不墜世業守禮法嚴內外心逾苦而節逾堅卒年六十有四三子五孫曾元繁衍

冷節婦瑪瑙儒童張允煥之妻年十五歸張克盡婦道未幾夫歿氏柏舟自矢足跡不出戶庭戚黨罕見其面撫嗣子觀世以養以教俾克成立貢成均嘉慶十三年請旨建坊享年六十有三

吳節婦太學生張觀世之妻生一子年二十六夫歿清操自勵孀姑之存養死葬孤兒之飲食教誨無不稱其孝慈兩世堅貞後先濟美

鄧節婦路口儒童袁時舉之妻年十五歸袁生三子而夫

歿氏時二十六歲矢志不二奉翁姑撫幼穉孝慈兼至孀居四十八載年七十有二子孫繁盛

朱節婦古唐太學生含輝女秀婉嫵無諛言年十七歸洪城幸朝壽產一女二十四夫婦俱病氏力疾籲天願殞身存夫無何夫歿則大痛以繡針七枚傳胷前卒不死乃節哀強起事耄翁撫孤女富人某聞其賢欲聘之氏峻却貞潔自守年九十餘乃終

袁節婦貼市堆郡庠生姚五彪之妻年十九于歸二十五歲夫歿子僅四齡忍死守節事姑孝敬備至姑臥病侍湯藥不脫衣帶者數年耐貧教子庠序蜚聲孫枝玉立姚孝婦艮山儒童熊占元之妻祖姑病累延醫不起其姑

高安縣志

卷之二十 閩範

二十九

黃氏齋戒禱祝願割股調藥氏聞祝不忍姑痛楚自割以進病立愈學博王士倬廉得實牒邑侯旌之

雷節婦五里謀守儀之妻十五歲適謀生子四齡夫歿氏年十九撫孤成立守志二十八年人稱完節

趙節婦三坑儒童張文孫之妻十七歲歸張踰年夫歿越月生遺腹子維屏氏冰霜自勵養姑撫孤皆藉其紡織也卒年五十有四子貢成均孫曾多列膠庠書香不絕節母之遺蔭也

鄧節婦塘東陸運補之妻年二十八夫歿無所出夫弟幼而孤佐姑撫育備極辛勤積餘貲爲之婚娶以延宗祀道光四年二月氏歿夫弟哭之慟曰吾嫂亦吾母也披

麻服送葬人不能以非禮責之

漆節婦湘溪太學生姚百淪之妻年十九歸姚未逾年夫以苦讀咯血成癆侍疾三年竟不起一女未周晬亦殤氏呼天搶地幾瀕於死毀瘠臥床屢欲身殉家人防衛甚嚴數月以病歿

以上高志

壽婦陳氏係平湖州司馬曾友賢妻相夫起家賢名素著性慈祥好施與東岡橋及琴嶺往來石路皆所修葺每年臘盡與端午各時節凡里中貧乏者周給錢米全活無算主持家政悉遵禮法子孫貴顯入仕籍登賢書列膠庠者層累相望蓋其折蓼之教然也年近期頤視聽不衰學使張文毅公大書萱閣長春以顏其堂

高安縣志

卷之二十

閩範

三十

陳氏灰埠羅巨川妻性端淑足不踰閭家始貧以勤嗇富凡修橋葺路施棺散粟悉贊夫力行之以子納餉 勅封安人年七十七與夫並無疾終

陳氏灰埠布政司理問羅秉吉妻性婉順有母儀相夫以禮訓子以義姆劉氏早寡無子氏知其憂似續甫生子卽以嗣之翁巨川有孤姪早逝亦無子巨川每慮兄無承祧主復以幼子嗣之縣令龍兆霖嘉其行於六十誕辰爲之序以壽之

黃氏伍橋從九何瑞妻幼歸何爲童養媳逮長孝事翁姑和諧妯娌夫業儒以再試不利成癆瘵疾賫志歿氏年二十餘守貞教子育孫皆能有成年五十四卒

甘氏熊如洪妻廩生中達次子婦少寡依女適社山朱氏以居賊至爭出避氏曰未亡人去將何之吾死已後矣投屋外塘水卒

熊氏楊世蠻妻廩生中達長女家素裕年二十餘夫歿遂中落食貧勵志撫二子至成立暮齒稍給足年九十三歿見曾孫矣長子嗣慶亦早卒婦熊氏撫孤勵志相對如冰玉今亦抱孫

何氏生員何日烘之女广溪儒童蕭元善之妻年十八于歸二十九夫歿守節至六十二以夫弟淦暨族隣呈請奉

旨旌表

高安縣志

卷之二十

閩範

三十一

胡氏广溪蕭旺華之妻年二十九守節今年八十二歲

皮氏城南上坊陳運培妻守節數十年雖懿親罕見其面鄉里賢之請

旌建坊

丁氏玉燕山東人社山朱標昌妻坡山朱景華養女也年二十適標兩載夫亡無子氏冰霜矢志紡績自食夫遺田僅三畝七十七歲猶存鄉里敬之爲之立嗣

李氏圓貞清溪吳祖屋之妻咸豐辛酉三月賊縱焚擄氏携子媳逃避賊搜之欲擄媳走氏穿齧罵賊誓死不釋賊怒刃之而去一家保全咸稱貞烈所致

楊氏近光之女官田李紳選之妻年二十三夫歿矢志守

節紡績自食現年六十六歲

朱氏太學生被女丁坊丁清遠妻夫性急氏曲從無忤年二十二夫歿罄產營葬紡績自食祥後歸省家人憐而諷之遂遄返閉門三十餘年人罕見其面云

曾貞烈名花瓶字蘭若平湖孝廉曾鐸三女甫弱齡舉止端詳父授以女孝經曉大義許字杉林學博胡紫綬次子汝恮咸豐十一年七月粵逆竄邑境汝恮兄弟三人被虜兄與弟先後脫歸獨汝恮存亡無消息汝恮虜父母知貞烈至性匿不以聞貞烈知之顏面間鬱鬱乃有憂色或背立泣下逾年貞烈潛遣老嫗詣胡乞歸胡守志汝恮祖母與母皆慮其少也堅弗許貞烈愈憂不可

高安縣志

卷之二十 閩範

三十二

解每語兄嫂曰生爲胡氏人死爲胡氏鬼從一之義豈以存亡易耶今年夏胡以汝恮終不歸勸貞烈父母爲之改適媒氏踵門貞烈度志不能遂也從容飲豆粥一甌雉經于寢室時同治八年七月初四日也其年二十有三墓在南城五里外鄧家山邑人朱孝廉齡爲之傳

見古權齋文錄

陳貞烈名嫣華南城上坊振鏞之次女也許字常姓夫客遊溺死常以聘帖還屬擇配其父母亦再三勸慰不應一日伺母外出闔戶自經死時咸豐甲寅二月二十八也邑侯熙引之作詩弔之一時和者如雲并爲作序付梓

朱氏前任高安縣尉廷椿女年十九適平湖太學生曾翼
爲繼室生子一越八載夫亡撫孤守志現年五十有九
子錫圭授國庠孫林立

易氏生員曾定槐妻年二十八夫歿無子誓志守貞事姑
以孝聞現年五十八歲

陳氏太學生曾愜之妻程節婦之媳也歸曾氏生二子年
二十四夫亡同姑守志不出戶庭後次子錫範二十六
而亡媳易氏亦守節三代嫠婦族隣哀之子名瑞附貢
生孫名鴻附貢生名湘邑增生

陳氏蓮湖儒童羅永銓妻年二十九夫亡矢志撫孤事姑
以孝聞同治八年詳請

高安縣志

卷之二十 閩範

三十三

旌表現年六十有九以子履亨 賜封太孺人

傅氏南園羅亨詒妻年二十六夫亡守志事姑以孝聞時
年六十有三

胡氏生員羅福田妻年十五賦于歸生一子二十四夫歿
撫孤守志冰霜自矢延師課子督責維勤子集成入邑
庠時年五十有五

周氏胡守權妻年二十夫亡矢志撫孤孀居四十餘年學
使張文毅公特書貞名流芳四字以旌之

黃氏珠湖傅圖國妻辛酉賊入境倉皇竄匿猝遇賊至欲
污之氏堅不從曳之以行絕袂投水而死

張氏藍溪劉家長妻年二十八夫歿孀居數十載人咸仰

其始終一節云

李氏石溪謝旺棟妻年二十八守節時年七十有九

賈氏貢生諶仁山妻辛酉賊入境逃至店子甘遙見賊勢
洶湧恐逼遂投水死邑令陶以節烈可嘉旌之

楊氏珠湖傅煥章妻辛酉賊犯境負女竄匿望賊勢近遂
抱女投水而死

陳氏折棠山黃世志妻十八于歸生一子一女二十八夫
亡撫孤守節現年八十一

盧氏諶恠忠妻年十八歸諶二十二歲夫歿撫孤守節現
年六十九

孟氏大港渡毛景星妻年二十五夫亡以夫弟之子芳桂

高安縣志

卷之二十

閩範

三十四

爲嗣教讀婚配靡不周至現年六十有四邑侯夏詳請
旌表子芳桂得邀獎敘并荷

恩榮

金氏龍灣團儒童黃景櫛妻歸半載夫歿氏年十九貞潔
自守以夫兄子兆瑞爲嗣現年七十

鄒氏龍灣團儒童黃運琥妻年十八適黃生一子二十五
夫歿奉姑撫兒艱貞自守今抱孫焉

熊氏官塘舉人爾卓胞姑龍橋周元彬妻也年二十適周
生女一越二年夫遽歿氏柏舟自矢之死靡他家故貧

紡織自給現年六十一

况氏古樓職員陳明世妻年二十八夫歿無子繼叔子承

桃同治九年詳請

旌表建坊

蕭氏贈武德騎尉陳文祺妻武德騎尉友蘭母年二十五夫歿氏清操至老以子授職贈大宜人現題請 旌表
鄭氏古樓儒童盛履和妻年二十二夫歿氏矢志撫孤五十五歲卒

高氏北城縣後徐旭仁妻年二十八徐客死子女亦相繼亡撫外孫爲嗣咸豐乙卯城陷外甥何舍人廷楷迎養于家現年七十五

陳氏討下職員胡俊美妻年十九俊美商于蜀再娶生子女不歸氏代奉翁姑生死盡禮俊美卒子女扶襯反視

高安縣志

卷之二十 閩範

三十五

如已出現年八十三

童氏邑庠生徵壽女適五橋儒童何衍齡八月衍亡遺腹生女氏繼子承桃奉姑孝謹卒年五十四

熊氏伍北港廩生熊澄女伍橋何惟俊妻年二十三夫亡遺腹生子苦志教育郡伯陶匾旌操懍冰霜卒年八十有一

何氏長源鄭作述妻年二十五夫歿事姑撫子茹蘖飲冰鄒孝廉殿颺嘉之爲作紀畧現年五十三

劉氏伍橋何廣華妻年二十七廣卒矢志撫孤現年五十一

黃氏伍橋從九何瑞妻瑞以再應童試不利攻苦成疾歿

氏苦節教子卒承夫志年五十一卒

錢氏珠山高日貞妻年九十四歲咸豐十一年賊匪入境
罵不絕口被賊燒死

王氏鄧坊鄧德容妻年十七適鄧二十九夫歿守節四十
年咸豐十年請

旌

劉氏鄧坊鄧守常妻年十八適鄧二十五夫亡守節四十
年咸豐十年請

旌

李氏鄧坊鄧瞻駿妻年二十八夫亡守節至六十一歲

梁氏荷林邑庠楊琦妻年二十適楊越四年夫歿守志撫

高安縣志

卷之二十 閩範

三十六

姪爲子現年六十四

趙氏儒童羅國賢妻奉新孝廉趙汝舟女也十八歸賢生
一子二十四夫歿守節六十六歲歿子允和授國庠生
梁氏名芙英昴溪鄔玉成妻咸豐辛酉賊虜玉成牽至家
見梁美欲犯之梁詭云釋我夫卽到屋側廟從汝賊信
之出門數武有井深不測抱幼女躍下而死

王氏昴溪鄔景興妻媳藍氏女桂英咸豐辛酉七月賊虜
景興父子去王挈媳女竄京峯嶺賊又至度不免三人
均投炭井中而死越十餘日族人出其尸面如生

喻氏劉全增妻二十四歲夫故守節撫孤年六十六而歿
鄧氏黃公塘梅文員妻二十六歲夫故守節撫孤至六十

三歲歿

蕭氏坡山朱景恒妻年二十三歲守節撫孤敦厚成立七十三歲而終張學使旌以貞筠勵節

吳氏泗溪劉邦受妻年二十四夫歿撫孤守志現年六十

一

劉氏櫟里艾章恕妻歲貢三峯長女也十七歸艾二十三夫歿矢志撫遺孤五十七年現年八十孫瑞芬入邑庠劉氏櫟里孝廉艾汝侯妻年十六歸艾甫三載生一女艾魁鄉闈北上不第畱京四年倏凶耗至氏不欲生翁姑泣勸曰汝以身殉夫如堂上何乃收淚成服養生送死婦兼子道三十餘年人無間言

高安縣志

卷之二十 閩範

三十七

談氏鍾秀門傅求裴妻年十八夫亡刻苦守節事舅姑以孝聞現年五十二

謝氏夏坊劉家浩妻年二十八夫歿至九十三而終其爲人不事鉛華九旬時諸孫媳進朱履却之

張氏藍溪劉懋尙妻咸豐十一年三月賊入境縋半歲兒偕村中婦匿山林中夜覘賊退方歸不意左村賊至竄水中賊誘之罵不休母子俱斃

葉氏畚山賈永年妻十六適賈二十三夫亡入繼一子爲嗣現年六十八

陳氏皮鶴松妻十九守節請 獎建坊

楊氏月貞橫塘王清發妻年二十九夫亡撫孤度日飲冰

茹荼垂四十年現年六十九子孫林立鄉里賢之

王氏常家巷熊濟漢妻十七歸熊二十六夫亡誓不欲生其孀姑慰之曰兩兒待哺此非媳死時也泣受命遂守節終

熊氏太學生皮學欽妻咸豐十一年賊入境抱子遠避遇賊于塗乃遺其子于同行投入路旁塘賊有下水手援者罵不絕口入深處而死旬日後家得其屍如生

傅氏長沙舖范嗣景妻孝廉復初胞姊也年二十一夫亡家貧守節紡織度日七十一而終學使張小浦詳請旌表

吳氏伍中選妻咸豐辛酉三月賊入境氏抱一女夫挈渡

高安縣志

卷之二十 閩範

三十八

河而逃賊遙望少艾追至渡口夫脫走氏恐污抱女投河而歿

龔氏坡山朱文端元孫景占妻年二十八夫亡氏柏舟矢志撫子成立舅姑亡喪事盡禮孀居四十餘年里黨重之現年六十八

徐氏雙貞烈四十六都潭里人愛成之女長名桂英適上坊易道元次名帶英許字高沙况辛酉粵賊蜂至父與弟迫不及逃同被掠逼欲污之女給賊曰若釋父與弟方汝從賊信之遽縱去女見父與弟行遠姊妹遂投小湖潭而歿人比之雙璧云

陳氏鄧坊霞衛貢生鄧萬焜妻年二十一夫歿無子繼夫

弟萬燿增塘子里增爲嗣辛酉賊入境陳獨招鄉勇以禦賊冠族隣咸賴以保全守志十七年歿

周氏鄧坊鄧長懺妻于歸八月夫歿年二十一無子繼夫兄子里城爲嗣家貧守志紡績度日現年五十八

熊氏藻塘楊家方妻年二十二守節時子方三齡次閱月始生氏矢志撫孤子奉翁姑家貧紡績以贍子耀先例授從九年七十八歿同治九年請

旌建坊

賈氏富溪渡黃玉柱妻附貢國楨之母年二十六夫歿矢志守節撫孤成名戚黨孫孝廉綸爲請于學使張旌以貞筠勵節八十二歲歿

高安縣志

卷之二十 閩範

三十九

傅氏富溪渡黃廣發妻辛酉賊至入其室氏恐辱出走賊追之急投宅邊溪水死時年十有八

謝貞烈名紫秀前港謝成熙女年十七許字清邑梅氏未婚辛酉遇賊逼欲污之女詬詈不從賊挾以刃女奮起伸爪爬傷賊面賊怒刃之于牯牛嶺側

敖氏前港謝守祥妻辛酉三月十八賊匪至氏與隣媪逃避往官塘墟遇賊氏恐污乃投水死

王氏前港謝謨純妻年二十九夫歿氏撫孤成立年八十四卒

傅氏鴻貞雲堆歲貢傅興蘭曾孫女前港儒童謝守洪妻年二十八夫歿堅貞守志子二俱貢成均

陳氏息貞前港謝守炤妻年二十八夫歿家素貧氏勤紡績撫育二子今弄孫矣現年六十六

傅氏鵠貞前港謝守貞妻年二十八夫歿氏以子幼忍死撫之且成立矣現年五十九

謝氏柳貞員塘下先李儀妻年二十八夫歿撫孤守節現年

六十餘厥孫有四人多美之

吳氏衢貞前港謝謨雨妻年二十二而寡守志艱辛致子成立今且孫曾競起年六十餘卒

劉氏前港謝世杞妻年二十八矢志守節事姑孝課子嚴無何子歿媳劉氏年二十九與姑同志撫二子俱如姑焉鄉里兩美之

高安縣志

卷之二十

閩範

四十

劉氏前港謝成燦妻年二十二夫亡遺一子氏柏舟自矢撫孤成立卒年六十九

敖氏前港謝成貴妻年二十三而寡矢志撫孤卒年七十
一

孫氏前港謝成針妻年二十九夫歿矢志撫孤及子長客辰州不歸氏慮宗祖之中絕也攜媳依子生二孫現年七十五

謝氏埠頭楊宗續妻年二十八夫歿氏矢志守節奉老撫孤人無間言現年七十九

謝氏雙溪廖福三妻年二十六夫歿氏食貧守節紡績自供繼堂姪爲嗣現年六十六

陳氏伍橋何唐器妻年二十六而寡守貞至七十卒

幸氏伍橋何義吉妻年二十二夫亡撫族子耀曾爲嗣家
故豐以教子多費兼好施予致不給年六十一卒而耀
曾先已遊泮抱子

徐氏伍橋何爲栻妻年二十七夫歿守貞至五十七卒

熊氏伍橋太學生何佑臣妻年二十三夫亡守貞至六十
二卒督學張匾旌徽流古竹

鄭氏古樓陳文章妻年二十四而寡又數年姑歿翁繼之
翁指幼子渭濱爲託氏泣承命渭濱卒賴以成立又撫
族子貞生爲嗣並爲遵 例請封以慰夫地下現年六
十八

高安縣志

卷之二十 閏範

四十一

諶氏灰埠陳廷杞妻年二十六夫歿以有娠不敢過毀迨
生子遵夫囑命名文接事上撫孤苦節五十餘年壽八
十三卒

謝氏灰埠儒童陳恩沾妻年二十一夫歿氏痛不欲生姑
慰止之遂輟哀矢志守貞繼猶子爲嗣同治九年請

旨建坊

朱氏歲貢習龐女大坵太學章炳辰妻舉人銘先之母年
二十三夫歿氏事姑教子三十年未嘗履遊觀之地年
五十二卒請

旨建坊

鄭貞烈栗下農家女字大坵章姓年十六在室家近驛道

辛酉三月被賊虜逼淫不從然火灼之愈憤詈猶冀其
回心縛之柱防稍弛有老嫗在側憐之潛解其縛卽急
赴門前深潭死

余氏珠山高開波妻辛酉遇賊不屈投水而死

游氏古祖陳婦辛酉避賊藏溝中夜水暴漲冲流而亡

敖氏南溪謝景攀妻辛酉賊紛擾鄉村氏逃避至近地埠
頭聞上遇賊逼欲污之氏罵曰賊奴敢爾遂投水死時
年十有七

余氏南溪儒童謝朝端妻年二十二夫歿無子繼姪景珮
爲嗣教養倍至子援例入監鄉里榮之卒年四十

丁氏南城太子廟晏普嘉妻年二十二夫歿無子矢志守

高安縣志

卷之二十 閩範

四十二

節辛酉聞賊耗姪促之去未及行賊突至氏登牆自墜
而死賊退姪覓得其屍葬焉時年六十八

劉氏六合山黃孝唱妻年二十三夫死無子家貧母家勸
改適拒之遂絕迹母家撫姪爲嗣姪娶婦又天孤苦四
十餘年六十八卒學憲張匾旌彤管揚輝

鄭氏六合山黃樹友妻辛酉三月賊至奔避不及投門前
塘中死

諶氏六合山黃垂孚妻辛酉三月賊至偕伴逃落後賊尾
追之投覘溪甘氏塘中死

黃烈女名丁英石山國泰女辛酉粵賊竄擾投水身死時
年十有五

毛氏東南廂陳文林妻直隸州州同銜耀祖之母年二十
八夫亡遺子三長僅數齡次三甫免懷抱氏矢志守節
家貧紡績營生孝事舅姑教子成立學使張匾旌古井
盟心卒年六十三

朱氏鍾坊陳鵬遷次室年十六歸陳二十五而孀遺孤二
長三歲幼未晬氏矢志宁貞每以教子未成爲恨因延
師課孫宗翰卒爲名孝廉以貴溪教諭加五品銜 覃
恩勅贈太宜人皆以爲苦節之報云

鄭氏鍾坊陳時傑妻年二十餘夫亡遺二子一女氏柏舟
自矢事上撫下皆取給于十指舅姑歿喪事盡禮無何
一子殤一子跛廢以針黹終其身

高安縣志

卷之二十

閩範

四十三

王氏燕山熊執禮妻自嘉慶二十三年守節至同治壬戌
奉學憲馮旌賜節並松筠匾額現年六十五

劉氏洄溪人湖頭雷紹漢妻年十六于歸二十七而寡遺
子三氏矢志撫孤備極恩勤現年七十二子孫蕃昌
諶氏城上黃洪坡妻年二十七夫故氏矢志守貞奉姑育
兒備嘗辛苦年七十而終

傅氏三石洞口熊象德妻年二十三夫故子甫晬翁姑年
老氏仰事俯育不辭勞瘁道光辛卯歲飢且大水氏出
紡績私財捐貲救貧修橋利濟近隣賴之卒年六十五
道光十九年奉

旨旌表建坊

游氏分溪太學生王啟明妻辛酉賊至執氏索取銀兩氏憤罵賊怒焚其廬擄二子去且刼以刃氏遂投東門港水死侍御彭伯丹爲之請卹建坊

胡氏田西謝家範妻年二十二夫亡遺腹生一子未週歲而天氏守節孝事翁姑紡績維勤現年五十五

胡氏暘谷嶺晏耀燦妻年十六于歸閱十年夫歿氏柏舟自矢事姑撫子中歲訓孫資斧胥由紡績現年八十

毛氏傅言椿妻年二十八守節人無間言學使張旌以古井盟心現年七十二

劉氏傅言歸繼室年十五守節鄉里欽敬現年六十七

况氏張斐然妻南城朝天坊人年二十二夫歿氏矢志守

高安縣志

卷之二十

閩範

四十四

義家貧紡績營生族黨憐其無嗣主夫兄子繼之現年六十

彭氏筠西張雲鈺妻孝廉梅之妹年十七于歸不數年夫病歿堂上以其年少爲慮氏以死自矢張故貧紡績爲生雖受母氏資助猶勤以勵節年六十餘卒

黃氏王文翰妻上湖舖背人年二十三夫歿氏矢志守節事姑維謹後孤中殂丁零尤甚族黨欲爲請

旌力阻不可現年七十八

潘氏五里諶祖積妻辛酉賊至其家欲污逃出戶外罵不絕口賊追殺之併焚其室族中紳耆彙呈請旌

劉氏灰埠勅贈翰林待詔羅秉琳妻年二十八夫歿無

嗣氏柏舟自矢撫姪爲子數十年人無間言以子錫榮
貴 勅封孺人道光三十年學憲張匾旌貞松厲節同
治辛酉巡撫惲題請

勅建坊旌表

鄧氏畚山賈克堪妻年十七于歸二十七夫亡氏矢志撫
孤紡績維勤舉動有節現年六十二

賈氏和溪儒童陳允錦妻年十八于歸二十七夫亡氏堅
志守節撫孤及子中殂復繼堂孫爲嗣冰霜自凜鄰里
稱之豐邑徐御史士毅有傳現年五十九

王氏花園村艾煥章妻辛酉粵賊入境氏見賊勢猖獗懼
爲所污母女相繼投水而死同治元年請

高安縣志

卷之二十 閩範

四十五

旨獎卹

伍氏藍橋胡毓緣妻年二十六而寡誓不二天撫孤守節
數十年姑終如一宗族重之

高氏彭咸昌妻南城桂林坊人年二十一夫亡無子繼猶
子文荅爲嗣教養備至弱冠遊庠人以爲苦節之報云
朱氏橋頭鄒以滿妻年二十九夫亡氏忍死撫孤守節以
奉翁姑道光辛丑教諭鍾賜清節禮宗旌之

陳氏櫟里儒童黃祥珠妻年二十二夫亡翁姑以氏年少
無子令改醮氏剪髮自誓翁見其志堅主以次男之子
爲嗣七旬時孫入鬢序卒年七十八學使張旌以貞松
厲節

鄭氏儒童彭文范妻南城桂林坊人年十八夫亡遺孤纔數月以哀毀太過致氏右目失明平居以禮自防閉戶寂處雖戚族罕見其面現年六十九

吳氏長岡從九品李廷弼妻年二十九夫亡遺腹生一子氏矢志守節孝事翁姑教子成立現年九十

陳氏墨塘村劉啟秋妻年二十六守節事親教子孝慈兼盡孀居至八十一歲卒

胡氏螳螂橋冷耀滿妻辛酉賊入境氏偕夫逃至花苑渡夫妻被擄渡河氏投水死

黃氏郡庠蔡儀妻年二十二夫亡矢志柏舟孝敬翁姑家貧紡績營生以夫弟歲貢生牧棠子爲嗣年七十六卒

高安縣志

卷之二十

閩範

四十六

劉氏三都布政使司經歷單化昌妻辛酉賊入境氏抱幼女逃至萬坑里猝遇賊棄女于地投水死詳報請旌

吳氏龍橋金繩閑妻年二十四守節紡織撫孤子名章補諸生道光二年歿

戴氏社山朱浥昌妻年二十五夫亡子甫週歲氏柏舟自矢撫孤成立學使張賜彤管揚芬扁額歿年七十四

鄭氏社山朱泐昌妻年二十七夫亡氏堅志撫孤奉姑曲承其意歿年七十二

陳氏下車胡宜全妻夫歿子天似不甚哀者惟依依姑側飲泣吞聲而已姑病瘵善怒子媳輩多被譴氏先意承志曲當其情姑歿哀毀成疾家人以湯藥進氏泣曰予

之不從夫與子死者以姑在也今願從于地下翁性寬
汝數人好事之言畢吐血數斗卒彭太史伯丹爲之傳
朱氏渭溪儒童羅亨社妻年二十六而寡遺一子甫四歲
氏矢志守貞備嘗艱苦現年七十二

王氏適石頭街胡年二十九夫歿守節教子成立現年七
十

李氏讀岡村邑庠生龔倚妻夫死守節道光甲申年請
旨建坊子調元乙酉舉人

胡氏舍前村邑庠生梁鳳翔妻夫死守節道光甲辰年請
旨建坊

鄒氏坡山朱時捷妻年二十五夫亡二子皆夭家貧守貞

高安縣志

卷之二十 閩範

四十七

至七十四卒學憲匾旌彤管揚芬

王氏坡山朱景招妻年二十餘而寡苦志撫孤年六十三
卒

李氏坡山朱景泮妻年二十四夫歿守貞孝事翁姑周卹
服屬年八十七卒

冷氏坡山朱侂亨妻年二十八夫歿守貞撫猶子爲嗣現
年六十三

廖氏謝源以妻何氏謝嗣秀妻嶺口人辛酉賊至各抱其
子避荷山遇賊懼污俱棄子投水死後二屍浮出交抱
不解鄉人合葬焉

鄧氏藍橋胡挺然妻年二十五夫亡家貧守節撫孤子鼎

新餼于庠唐太守聞其賢作文以壽匾曰節比松筠學
憲張題請建坊 旌表

諶氏山畚傅位求妻年二十二夫歿氏矢志守節勤儉自
持卒年五十

劉氏山畚儒童傅爰滾妻年二十夫亡家故貧紡織營生
數十年困窮無悔年五十八卒

劉氏山畚傅章言妻年二十八夫歿守節事翁姑能得其
歡撫孤子處妯娌皆有賢聲年六十八卒

藍氏新井太學喻藻鑑妻年二十夫故孝事孀姑嚴最孤
子同治己巳請

旨建坊

高安縣志

卷之二十

閩範

四十八

王氏大安劉全仲妻年二十四夫亡子半歲苦志撫孤現
年七十一

咸豐辛酉下二十都十三都鄉勇與賊戰敗婦女殉難
名數

毛氏石溪職員鄒文衡母賊憤伊子督勇獲氏支解之

傅氏石溪例貢鄒昌煜妻吳氏石溪鄒守邦妻均被賊殺
焚屍

余氏石溪鄒昌取妻被賊殺死

毛氏石溪鄒守由童媳宋氏石溪鄒克順妻被賊焚屍

褚氏石溪鄒守宜妻褚氏大溪港張勝吉妻褚氏張勝吉
姪媳徐氏楓溪甘存撈妻諶氏洲上李茂假妻鄭氏洲

上敖業妻賈氏石溪宋宜贊妻游氏四十五都陳恩妻
劉氏田溪孫永添妻王氏田溪孫永坤妻范氏牛毛嶺
宋作方妻李氏西南廂晏角妻寓境內均投水自盡
諶氏大溪港張永佑妻聶氏洲上李茂梅妻賊逼不從均
抱幼女投水死

黃氏梘溪甘允見妻賊至懼辱攜幼女投水死

鄭氏店下鄢仁體妻李貞女洲上李茂假女游氏店下劉
紹褚妻王氏紹褚妾漆氏田溪孫永興妻漆氏新塘游
倫選妻宋氏店下劉元超妻戴氏城上劉鎮揚妻吳氏
店下劉元崇妻均被賊逼投水全節

任氏洲上敖富妻傅氏西陽劉桃世妻賊逼不從罵賊被

高安縣志

卷之二十 閩範

四十九

殺

鄭氏店下鄢秉瑜妻袁氏半毛嶺羅福搶妻閔氏西南廂
晏報妻寓境內均懼賊辱抱幼子投水死

諶氏店下劉盛全妻女十五歲族盛抄女十七歲賊逼不
從三人同投水殉又同族貞女亦同殉

熊氏田西監生謝家俊妻賊逼不從投水女雨珠十五歲
姪女滿英十歲見之同投水殉

潘氏嶺頭徐大舉妻賊追其媳攔路罵賊媳逃而氏被殺
鄭氏西陽劉遠聘妻諶氏嶺頭徐慶釵妻賊至懼污均投
塘死

以上殉節婦女經洪令冊報部議 旌卹附祀省垣節

烈祠

彭氏老縣背徐益蘇妻乙卯遇賊入戶搜括財物追逐其子氏怒憤罵被殺

鄧氏尋里從九銜張維官妻年二十四夫亡子二歲矢志撫孤學使單匾旌閨闈令德卒年六十四

况氏四十六都盧一虎妻年二十九夫歿守貞至八十三卒道光己酉詳請 旌表

梅氏坡山朱必齋妻年二十八守節四子俱幼家貧上事下撫俱恃十指年八十九卒

游氏泉塘劉克照妻年二十夫外亡子未晬叔幼及叔娶生子又外亡子姪撫養俱出十指苦節至八十七卒

高安縣志

卷之二十 閩範

五十

黃氏黃炮女失其夫名珠湖傅新媳辛酉遇賊將污之行至塘側急躍入水賊憤以槍連刺死後覓得其尸遍體鱗傷兩手猶固結裊襠不解

夏氏大安儒童劉全墨妻墨早逝子二歲氏艱辛撫養矢志守節終以幽憂成疾卒年三十七

單氏大安劉全寶妻夫早夭遺腹生子艱難萬狀撫養成立現年六十二

賈氏邑庠世名女灣溪劉忠裕妻年二十八夫歿遺一子氏矢志撫孤紡績度日現年六十四

孫氏白沙武庠費掄才妻年二十二夫歿家貧無子以翁姑待養忍死守節撫姪爲子卒年六十五

閔氏白沙徐尙發妻年二十六夫歿無子姑陳氏亦二十四而寡閔本欲殉夫念孀姑輒止姑守節四十餘年卒氏現年六十三

汪氏白沙陳正遇妻年二十八夫歿二孤尙幼忍貧苦守現年五十九

敖氏官塘陳傳銅妻年二十四而寡奉侍嫠姑克盡誠敬今姑八旬氏亦週甲茹荼飲冰人以爲姑婦雙清云

丁氏灣溪職員劉忠侯妻年二十四夫歿無子繼夫兄子作霖爲嗣矢志守節人無間言現年五十四子入邑庠賈氏後港劉厚鵬妻年二十三夫亡子一歲家貧奉翁姑撫幼穉皆從紡績而出苦節可欽現年七十三

高安縣志

卷之二十 閩範

五十一

劉氏寒溪太學陳猷宰妻年二十三夫歿守節奉親道光庚戌題請 旌表

黃氏寒溪州同銜陳猷字母年二十六夫歿守節教子年五十餘卒 勅封孺人

褚氏楓嶺黃成徐妻年二十四而寡無子氏守節繼姪爲嗣家貧習勤茹苦現年七十二

彭氏四十五都陳門婦失其夫名辛酉三月賊至懼污投水死

雷氏港口余前好妻年二十五好歿遺一子氏矢志靡他家貧事姑撫子艱苦備嘗學憲張旌表貞筠厲節現年

劉氏湖頭雷第瑞妻年二十七夫亡氏矢志撫孤事堂上
孝敬備至學憲張旌表貞筠厲節年七十六卒

劉氏湖頭雷第仰妻年二十四而寡遺腹生子誓死守節
內外無間言學憲張旌表貞筠厲節年七十一卒

黃氏高沙武庠羅克家妻生一子一女年二十六夫歿
志守節言笑不苟現年七十四同治八年題請

旌表建坊

黃氏高沙羅福煌妻辛酉三月粵匪竄瑞舉家逃避氏方
出門賊猝至追里許懼爲所污投井而死

劉氏_{良山}儒童熊配賢妻年二十一夫歿矢志撫孤家貧苦

節自持儒學_{周胡}咨准 旌表

高安縣志

卷之二十 閩範

五十二

陳氏安塘周家柄妻翁姑早逝逮事伯姑後隨夫入蜀年
二十八夫亡矢志撫孤四十八無疾終子卜熊歸里入
邑庠孫多以軍功顯道光十五年由四川詳請

旌表建坊于西陽州

陳氏流田曾泉良妻辛酉賊入境遠逃避賊追急遂投水
死

譔氏珠湖儒童傅瑤光妻年二十夫歿孀居三十二年順
事翁姑不出戶庭卒年五十二鍾學博咨詳請 旌

譔氏珠湖監生傅圖滅妻婚二年夫亡哀極念翁姑不忍
殉翁姑既逝痛甚吐血諸母勸召醫泣曰苦節三十年
此臂肯令醫按乎不藥卒年五十一鍾學博咨詳請

旌

藍氏鈞山儒童劉清槐妻年二十八夫亡無子氏矢志守節繼夫兒子爲嗣教養成立年六十四卒

艾氏後西太學劉盛壁媳辛酉夫被賊擄氏抱子逃賊追殺偕子投水

藍氏後西人安徽候補布經歷劉錫齡妻辛酉三月避賊文山賊至持刀逼污投水死

胡氏候補布經歷劉錫齡媳太學全堅妻辛酉七月携子避賊遇賊塘橋恐受污母子投水死

羅氏渡江鄧美揚妻辛酉三月賊至自溺于門前潭

漆氏陂塘黃雲鴻妻辛酉三月賊至將擄之自溺于井其

高安縣志

卷之二十 閩範

五十三

族露鴻妻鄧氏亦同溺一井

漆氏珠湖傅言煙妻年二十六而寡苦節至今七十二歲
吳氏墉溪例貢生汪鳴琦妻年二十六生子女各一夫歿欲身殉恐以弱釋累翁姑苦節至今年六十

黃氏蔡溪監生胡翰妻年二十七而寡苦節至今五十八歲

袁氏禮義坊吳統塗妻夫亡子四齡辛酉三月賊至避難小湖陳姓子被擄氏哀求以首飾贖賊奪其首飾并欲奪其身氏大罵奮身投水死附祀省垣節烈祠

吳氏艮山邑庠生熊捷妻事翁姑以孝聞姑病醫久無功氏割股和藥以進遂愈

幸氏孝婦吳氏媳儒童熊翔藻妻年十九夫亡守貞四十年同治壬戌 旌表建坊

熊貞女城南仁濟坊 賄封奉直大夫熊開發女字石溪
儒童吳起執卜吉而起執故貞女年二十痛不欲生父母泣勸答曰能令兒歸吳守節乃可不死父母爲請于吳吳迎之歸女家故饒奩具已庀盡紈綺珠翠女悉屏去以隨身舊服行入門孝事重闈不出戶者二十年夫兄弟二人各繼一子爲嗣撫同己出辛酉甫聞賊耗女決計遠避吳因全家獲免同治四年卒八年
旌表建坊族人熊司馬子容有啟徵詩

劉氏杉樹下陳洪元妻年二十五夫亡遺二子氏矢志撫
高安縣志 卷之二十 閩範 五十四

孤俱就成立現年七十一

鄢氏城上黃祥麥妻年二十二夫亡一子矢志守節事姑撫幼皆資于紡織歿年六十八

黃氏月塘周云三妻年二十四而寡子二撫幼守節四十七年歿年七十一

李氏月塘周其良妻年三十一辛酉賊犯境李見賊勢洶湧懼辱投水死

黃氏堆上太學傅鴻緒妻年二十九夫亡遺四子俱幼氏矢志守節治內捍外俱以獨力當之現年五十九

羅氏金灘葛瑞龍妻年二十三夫歿遺孤亦天氏守貞繼姪爲嗣現年五十七

聞氏富樓儒童幸承瀛妻年二十七夫歿上事下育悉資
紡績子已娶早故遺三孫三孫長又歿與媳何氏孫媳
姚氏朱氏三世孀居今聞年八十三何年六十一

吳氏富樓儒童幸傳照妻年二十夫亡無子夫弟渭娶吳
氏亦早歿遺腹一子妯娌孀居共撫孤兒氏現年六十

胡氏富樓儒童幸光華妻年二十五夫歿無子繼猶子爲
嗣督學張匾旌冰霜同操現年六十餘

彭氏富樓幸傳敬妻年二十一夫亡子四齡遵夫囑養親
撫子現年五十三

熊氏富樓儒童幸用賓妻邑庠藻華母年二十七夫歿子
二歲苦節二十餘年督學張匾旌冰雪同操年四十七

高安縣志

卷之二十

閩範

五十五

卒

姚氏富樓儒童幸咸亨妻年二十四夫歿繼族子承桃現
年六十一

周氏白土胡作鳳妻年二十六夫歿遺子女三苦節至六
十四卒

萬氏藻塘儒童楊家璽妻年二十五夫亡遺二子守節撫
孤現年六十八已請

旨建坊

黃氏珠湖傅言快妻議敘八品良城母辛酉避亂路經後
龍岡下遇賊逼之不屈赴水死

胡氏分口彭煥章妻辛酉粵匪入境氏攜子避于岡上賊

至將挾之行氏辱罵百端囑其子于鄰嫗投水死閱月
夫家求得其屍面如生

胡氏三石陶善妻辛酉賊至姑挈之逃女曰寇急矣逃何
之予其死遂奔至村右曲尺塘投水死時年十五

况氏灰埠羅興章妻年二十四夫歿子幼姑老氏苦節自
持事畜兼盡現年六十六

敖氏青山孫文彩妻年二十四夫歿遺一子一女矢志撫
孤已經婚娶辛酉賊至擄子去閱二年媳亦死子身紡
績哀輒痛哭聞者心惻現年五十八

杜氏嶺下鄧萬歡妻年二十五夫歿苦節至七十六督學
張匾旌古井盟心

高安縣志

卷之二十

閩範

五十六

熊氏觀溪謝揚康妻年二十九夫歿撫二子成立年五十
餘卒

胡氏黃谷塘生員梅元楷妻年二十六夫歿子二齡苦志
教育子遊庠氏年六十七卒

鄒氏嶺下鄧還里妻年二十八夫歿子五齡苦節數十年
督學張匾旌冰霜矢志

朱氏嶺下鄧意里妻年二十四夫歿矢志撫孤卒年七十
二督學張匾旌彤管流芳

朱氏黃谷塘儒童梅吉忠妻年二十二夫歿無子苦節至
七十四卒

魯氏曾家橋武庠胡振彩妻年二十餘夫歿無子繼夫弟

次子爲嗣苦節至七十餘督學張匾旌斑管揚芬

朱氏遼江梅堆鄒懋耀妻年二十三夫歿無子夫弟懋世妻熊氏亦年二十四而寡遺一子妯娌孀居守一孤兒

朱年六十七終熊六十二終督學張匾旌冰孀共勵

漆氏神山梅裴然妻年二十七夫歿遺一子氏矢志柏舟

孝慈兼盡守節至八十二卒

諶氏畚山郡庠生賈世掌妻年二十八夫亡無子氏矢志

守節繼夫弟子爲嗣現年七十六

劉氏瑪瑙張師登妻年二十二守節現年六十四咸豐己未學憲單匾旌聿修婦職

魯氏老屋况璧妻寓居鹿港團辛酉賊至懼辱投水死

高安縣志

卷之二十 閩範

五十七

熊氏瑪瑙張永日妻年二十四守節現年五十六

劉氏藍溪儒童陳傳孝妻年二十四夫亡氏矢志撫孤無

何孤歿繼親姪爲子恩勤備至守節至八十二歲督學

張匾旌斑管揚芬

武氏漆坊儒童陳羽立妻年二十六夫歿無子氏矢志柏

舟姪繼爲嗣現年六十五請 旌建坊

晏氏灰埠羅秉榮妻年十八夫歿一子未晬氏矢志撫孤

教養成立現年六十八

蕭氏青岡王龍義妻年二十二夫歿子二歲誓不再醮卒

興家產年八十九終

常氏貼市堆儒童姚傳勳妻年二十九夫歿子歿繼族子

爲嗣年五十一卒督學張匾旌貞石流芳

曾氏筠北歐陽鳳紀妻年二十八夫歿家貧守節撫子成立卒年六十四

章氏艮山熊慶湘妻年二十夫歿子生四月矢志撫孤苦節四十餘年前儒學周胡咨部請旌

陳氏杉林太學生胡淑章妻年二十五而寡矢志撫孤和丸課讀長子紫綬以增貢生授贛州府龍南縣訓導次子紫詔議敘布政司經歷道光己酉奉

旨旌表建坊現年七十二

孟氏杉林舉人胡鉞繼室年二十七而寡撫夫兄子居廉爲嗣道光己酉有司詳請旌表建坊年逾六十而卒

高安縣志

卷之二十 閩範

五十八

周氏杉林太學生胡煥朝繼室年二十六而寡撫前室子如己出道光己酉有司以事實詳請

旌表建坊後以孫汝楠 貶封太孺人現年七十五

李氏西湖葛占魁妻年二十五而寡矢志撫孤善事翁姑咸豐元年詳請旌表建坊現年七十五

况氏楓嶺黃成滔妻年二十二夫歿矢志撫孤成立守節至八十餘卒

陳氏後港傅文嶽妻年二十三守節卒年五十二

劉氏畚山賈世掌妻年二十七夫歿遺孤五齡氏事姑撫子勤劬備至現年六十二

羅氏官塘熊杞泰妻年二十四夫歿守節四十年至六十

四歲卒

熊氏赤土洲上恩貢陳澣次媳太學懋柘妻年二十二夫歿守節計年三十七卒

謝氏泉港鄧甲詔妻年二十八夫歿無子入繼親姪爲嗣守貞五十年卒年七十三

黃氏城南橋李謨科妻年二十六夫亡撫子完婚子媳旋相繼亡復繼夫弟子爲嗣娶媳夫弟子又亡最後乃繼姪孫承祧守節不渝卒延夫嗣現年六十八

諶氏泉港鄧第潼妻年二十二夫歿無子柏舟自矢繼姪以延夫嗣年四十八卒

謝氏泉港鄧第孔妻埠溪歲貢洪定女年二十四夫歿遺

高安縣志

卷之二十

閩範

五十九

一子矢志撫孤子入邑庠年五十二卒

梁氏杉林胡居敬妾辛酉七月賊猝至未及避賊逼欲犯之氏罵不絕口賊以矛刺殺之身無完膚

閔氏南城儒榮坊晏智川繼室辛酉三月避賊于鄉路遇賊抱子赴水死同治四年詳請旌表入貞節祠

諶氏畚山郡廩賈攀桂繼室年二十三夫亡生子甫晬誓不再醮前室有子榮驤撫之如己出榮驤弱冠又卒媳熊氏守貞字孤今年六十三子森耀入邑庠

高氏伍口橋王良霜妻辛酉三月全家避賊料藍橋賊至繫其翁索金氏哀求得釋時同居避難婦女數十賊將汚之氏恐不免卽抱幼女投料藍橋下死賊驚其烈相

率捨去數十婦女皆得全副貢朱航爲作蜀江引

龔氏塘溪鍾勉修妻年二十六而寡矢志守節善事翁姑
撫夫兄次子爲嗣年三十九卒

冷氏西溪童春試妻年二十餘夫歿氏矢志撫孤中年子
復亡與媳朱氏孀居紡績爲生氏年八十一卒媳年五
十六學憲何匾旌冰雪雙清

黎氏西溪童春景繼室年二十四而寡氏矢志守節撫孤
成立年七十卒

鄒氏老井儒童徐厚石妻年二十八石病篤囑氏守志氏
剪髮盟心遂瞑苦節四十餘年七十三卒

聶氏高沙況道亨妻年二十八守節字孤事翁姑以孝著

高安縣志

卷之二十 閩範

六十

卒年六十三學憲張匾旌斑管揚芬

徐烈女金秀塘頭鏹四女羅烈女丟秀亦同里人年皆十
七辛酉賊至英岡墟懼辱同赴烏鵲橋投水死

吳烈女雪英五美橋孕秀女年十七偕嫂敖氏避賊南簡
地方猝遇賊至懼辱姑嫂同投塘死

丁氏曲江儒童幸朝松妻年二十八夫歿守節五十年現
年七十八督學張匾旌貞松勵節

武氏漾塘黃祖權妻武庠邦傑母年二十一守節孝事舅
姑勤撫孤子同治九年請 旌建坊現年五十六

咸豐辛酉二十一都橫港毛氏殉難婦女名數

曾氏監生毛文思母賊憤伊子督勇被捉支解之

范氏監生毛文思妻見賊洶湧投塘自盡喻氏毛池新妻
游氏毛方苞妻遇賊懼辱各抱女孩投塘死諶氏毛本
亮妻劉氏毛燦新妻俱罵賊被殺龔氏毛方角妻傅氏
毛曉新妻傅氏毛方蔚妻鄒氏毛炎新妻王氏毛方許
妻游氏毛瑤吉妻陳氏毛方蕩妻陳氏毛仕吉妻盧氏
毛本酒妻黃氏毛方林妻黃氏毛方介妻諶氏毛方殿
妻劉氏毛方莽妻盧氏毛開新妻陳氏毛粗新妻劉氏
毛炳新妻鄒氏僕人毛後二妻傅氏僕人毛掌二妻俱
係賊至懼辱投水自盡

以上殉難婦女經夏太史獻馨彭太史桂馨奏准蒙
卹

高安縣志

卷之二十 閩範

六十一

姚氏竹山儒童羅美中妻年二十八夫歿家窘遺二孤氏
勵志守節紡績營生成豐元年督學張匾旌冰心永矢
卒年五十六

余氏竹山羅國楨妻年二十夫歿無子氏承舅姑命繼猶
子爲嗣孝慈兼盡現年五十八

諶氏西陽儒童劉覺世妻年十九夫歿無子氏守節事翁
姑繼夫兄子爲嗣教養成立現年六十二

陳貞女塏前人許字西陽劉垂峯年十八峯亡貞女聞凶
耗誓不他適請父母歸劉守義繼房姪爲嗣家貧紡績
度日現年五十五

諶氏西陽劉垂瑜妻年二十六而寡食貧守志繼房姪爲

嗣現年九十五

羅氏橋頭周國壽妻年二十五夫歿守節六十年至八十五歲卒

楊氏龍岡州同丁釋妻年二十五夫亡守節六十年卒年八十五

丁氏三坑儒童張淡永妻年二十四夫亡守節事姑循禮現年六十五

黃氏杲溪陳奇彰妻年二十七夫歿撫孤守志現年六十三

周氏古樓舒守意妻辛酉賊至抱子隨夫逃路遇賊脅之行怒罵被殺子爲老嫗所救夫亦虜去旋脫歸掩其屍

高安縣志

卷之二十 閩範

六十二

甘氏梘溪恩貢世泰女中村儒童褚景暎妻年二十夫歿遺腹生一女艱貞守志現年六十

楊氏中村褚景易妻年二十八夫亡遺二子矢志撫孤婚教皆任以一身督學張匾旌古井盟心現年七十

鄭氏古樓盛萬炳妻年二十八夫歿遺一子矢志撫孤教養備至年五十六卒

閔氏古樓盛萬邏妻年二十五夫歿遺一女誓不二天守貞二十七年五十二歲卒

朱氏古樓太學生盛錦暉妻年二十八夫歿遺子四矢志撫孤幼入成均年五十一卒

劉氏五里諶祖貢妻年二十一夫歿矢志奉姑繼姪爲嗣

現年五十七

彭氏南城上坊太學生廖修名妻年二十二夫亡遺一子已完娶又以顛疾歿氏與媳孀居相倚現年七十學使張匾旌貞筠勵節

賈氏南城上坊廖廷名妻年十六于歸未半載夫歿哀毀過度遂至喪明年四十七卒

賈氏南城上坊廖純名繼室年二十四夫歿撫前妻子居壽例授太學娶媳幸氏未及週年壽亡遺腹生子希仁希仁中年遺腹生子又歿姑媳相依守貞完節今賈氏年七十七幸氏年五十九

劉氏南城上坊登仕郎廖居泳妻年二十三夫歿食貧守節現年七十六

高安縣志

卷之二十

閩範

六十三

陳氏南城上坊廖居順妻年二十九夫歿貧苦守志善事舅姑年丑十八卒

熊氏赤土太學生陳就中妻年二十四守節上事下撫孝慈兼至年四十一卒

陳氏泉井涂業修妻年二十二夫故守節奉姑艱苦備嘗年七十一卒

蔡氏三十一都姚良材妻年二十四夫歿猶子入繼事姑克孝年四十卒

陳氏鄧坊鄧日銘妻年二十三夫歿于楚撫孤成立囑搬歸葬年七十二卒

周氏鄧坊鄧奕猷妻年二十四守志事重慈以孝繼猶子以慈年四十二歿

鄔氏觀西熊文蔚妻年二十六夫亡守節三十四年五十九歲終

楊氏洪城幸雲峯妻年二十二守貞姑老子幼紡績爲生四十三歲卒

鞠氏二十一都郡庠何國光妻年二十五而寡遺女一繼姪爲嗣守節五十三年七十七歲卒

陳氏北東廂徐益滄妻年二十八守貞終養翁姑撫子成立五十九歲終

陳氏伍崇雲妻年二十九夫歿勵志守貞苦節三十年至

高安縣志

卷之二十

閩範

六十四

六十歲終

杜氏石城沈懋奇妻年二十八夫故孝事翁姑繼姪爲嗣守節六十九歲終

李氏鄧坊鄧萬波妻年二十五夫亡姑老子幼辛苦備嘗守節至五十五歲卒

胡氏赤土陳紀華妻年二十八守節撫孤成立年五十六卒

胡氏北東廂太學熊起鵬妻年二十六守節撫孤成立現年五十二

陳氏泉井涂開治妻年二十六夫歿事姑撫孤婚娶生孫孤媳俱亡又復育孫年七十三歿

鄧氏赤土陳鳴玉妻年二十六守節繼姪爲嗣年六十八
江氏大庄陳訓恭妻年二十五而寡五十七歲卒

吳氏井塘儒童幸學謨妻年二十一夫亡遺腹生子守節
年至七十歿

姚氏東南廂彭壩世妻年二十六而寡繼姪爲嗣現年七
十二

鄧氏赤土陳聞倫妻年二十九守節至六十四終

謝氏南門儒童皮晨鳳妻年二十一守節慈撫繼嗣現年
七十一

楊氏洪城幸朝或妻年二十三夫歿守節撫孤甫婚又歿
孀媳相依年五十七卒

高安縣志

卷之二十 閩範

六十五

黃氏墉溪汪邦璞妻年二十三守節撫孤年七十一卒

帥氏赤土陳紀桃妻年二十八守志無子繼姪又亡幸生
二孫承祧年七十二卒

梅氏岡下熊仲智妻年二十六守節至六十三歿

陳氏長溪劉斐成妻年二十三守節撫孤至六十六卒

劉氏祥符觀皮叔和妻年二十九守節至七十三卒

陳氏菱塘皮曙初妻年二十六守節現年五十五

黃氏祥符觀皮敬授妻年二十九夫歿守節奉姑全憑十
指卒年七十一

朱氏土城太學熊起鳳妻年二十八守節繼姪爲嗣撫如
己出現年五十六

陳氏四十二都李定湘妻年二十四守節奉姑現年六十
鄧氏四十二都李定濤妻年二十六守節現年六十五
武氏金溪陳家芬妻年二十三守節現年五十一
鄧氏二十一都傅言雁妻年二十四守節現年六十七
曾氏橫港毛佑新妻年二十六守節現年七十二

以上自熊氏起共三十五人俱係儒學

周胡

請旌

朱氏太平門儒童袁育成妻年二十夫亡氏守節事老撫
幼各盡其道以子崇翰例授從九 賜封太孺人同治
九年詳請 旌表

盧氏雅溪儒童傅文理妻年二十六守節撫子現年五十
七學憲何匾旌彤管揚輝

高安縣志

卷之二十

閩範

六十六

沈氏稠塘謝揚堆妻辛酉避賊豐邑南城嶺夫被擄冒刃
救夫被殺尸首異處族人卽其地收葬之

金氏澧港武庠席鴻彪妻年二十八夫歿守節至六十歲
姚氏黃羅坑魯之拔妻年二十九夫歿守節四十六年七
十五歲卒

鄧氏梨塘吳敬滿妻年二十八夫歿守節二十九年五十
七歲卒

劉氏彭城監生龔聯芳妻年二十八夫歿守節撫子現年
五十三同治九年請 旌建坊

左氏彭城監生龔夢麒妻年十七夫亡守節繼夫兄子爲
嗣現年五十五同治九年請 旌建坊

常氏滙溪邑庠黃超魁妻年二十六夫歿守節八十五歲
卒學使張匾旌古竹流芳

蕭氏牛溪漆廷萬妻年二十五夫歿矢志撫孤現年五十
五子入邑庠

張氏塘南儒童葛學潤妻年二十餘守節撫孤道光丁亥
請 旌建坊

□氏坡山朱錫亨妻年二十四守節孝慈兼至學使張匾
旌冰清玉潔

胡氏觀溪冷羣辰妻年十九夫歿矢志撫孤現年七十餘
鄔氏珠湖傅揣甫妻年二十九歲守節撫孤三人教養備
至俱貢成均現年六十九

高安縣志

卷之二十 閩範

六十七

陳氏胡溪鄭泰珩妻年二十四夫亡撫孤守節年六十九
卒

江氏分口彭懋順妻媳楊氏女孫菡英辛酉賊至三人同
投門前港水死

彭氏上坊太學易咸顯妻年二十三而寡無子苦節自貞
現年六十一

熊氏珠湖傅獻齡妻年二十五夫歿無子家貧守節恆累
日不舉火里黨憐之現年五十六

鄭烈女蕙貞湖溪從九玉成幼女許字張氏辛酉賊至蕙
與兄女媛貞同投水媛以水淺得不死呼父兄挈蕙尸
葬之時年十八

朱氏南山何廷瑩妻文端曾孫國珍女年二十五守節繼嗣猶子年五十五卒

黃氏南山太學何廷璧妻年二十四守節立姪繼夫嗣卒年六十

藍氏邑庠峯之女官塘熊濟閔妻年二十六撫孤守節現年五十八

蕭氏斌山職民唐錫光妻邑庠甲榮母年三十守節卒年五十六

蘇氏斌山太學唐襄黼妻甲燦松生母年二十八守節現年五十五

梁氏菱塘邑庠皮家騏妻年二十五夫亡先七日生一男

高安縣志

卷之二十

閩範

六十八

氏矢志撫孤越數年兒殤苦節至今五十八歲

陳氏菱塘太學皮家駿妻娣鄔氏職員家驩妻辛酉七月奉姑章氏避賊章姓適家駿被擄姑就賊哀求受傷流血二氏遙見大罵賊追及之陳抱幼女偕鄔氏躍入河中死甲子從祀省垣節烈祠

謝氏岡下 馳贈登仕佐郎熊仲闖妻年二十八夫歿守節現年六十

徐氏立溪陳齊瑜妻年二十八夫歿守節現年六十四

涂氏東港太學朱純^熙妻年二十六夫歿守節至六十卒嘉

慶二十三年 旌表建坊

羅氏東港朱兆祥妻年二十四夫亡守節至七十四卒

張氏大成陳華根妻年二十七夫亡守節現年五十八
李氏夏溪黃名聘妻年二十七夫亡苦節至六十九卒
揭氏年十六適鍾坊陳曰安明年安往蜀氏有身舉一子
越五年安訃至氏食貧撫子子長娶媳抱孫令往迎父
柩而子又歿于蜀與寡媳孤孫無以爲生乃行乞以養
舅姑舅姑相繼逝氏年八十三卒

何氏鍾坊陳大棟妻年二十五夫亡氏孝事繼姑慈撫猶
子現年七十三

陳氏米峯徐明智妻年二十五夫亡氏少讀女誡誓以死
守年六十五卒督學張匾旌彤管揚徽

陳氏安徽泰州人龍山進士吳居閤妾閤令含山卒于署

高安縣志

卷之二十 閩範

六十九

氏年十八偕孺人扶櫬歸孀居七載聞家屬議遣遂自
縊

陳氏龍山廣西布經歷吳居敬側室氏年廿七敬歿子纔
七歲家無儋石賴氏十指子已娶又歿先是敬嫡子舉
人庭筠亦早卒有養子文學振鵬寄戚家生子三挈眷
歸夫婦相繼逝遺雛惟氏是恃今諸孤頗自立氏年已
七十一

唐氏墨園蔡順密妻年十九夫亡苦節至七十卒

金氏對門胡常純妻年二十夫歿撫猶子爲嗣卒年七十
周氏大藤鄧璜咸妻年十九夫歿子纔彌月苦節至七十
三卒

楊氏大藤鄧本奎妻年二十七夫歿苦節數十年督學張
匾旌斑管揚芬

嚴氏前坊儒童冷殿元妻年二十六夫歿三子俱幼苦志
教育現年六十八

譙氏鈞山劉昭賽妻辛酉三月賊繫不從憤罵被殺

吳氏鈞山劉鄢節妻年二十五夫歿絕粒以殉翁姑苦勸
乃食孀居四十餘年撫猶子爲嗣

毛氏鈞山劉焜節妻二十八夫歿苦節至六十卒督學張
匾旌石柏盟貞

熊氏龍溪儒童汪潤生妻辛酉七月偕夫避賊以惡藥塗
改面貌及賊大隊至知不能逃乃速夫行毋兼顧亟躍

高安縣志

卷之二十

閩範

七十

入深澗死

羅氏踵秀門職員金傳璧妻傳璧事親至孝氏仰體夫意
奉養維謹甚得姑歡年三十而寡痛夫無嗣誓不欲生
姑許以立後乃已現年五十六子家修邑諸生議敘中
書科中書

彭氏雲堆傅丕九妻年二十五夫歿矢志撫孤紡績度日
歿年五十七

徐氏楊林江道吟妻辛酉七月避賊沉于易家山側潭

余氏京溪黃士洽妻年二十七夫歿守節現年六十四

傅氏會上洪興鏞妾年二十一夫歿嫡繼亡氏取猶子爲
夫嗣苦節至九十卒

王氏會上洪用燧妻年二十六而寡矢志撫孤現年六十
潘氏灰埠羅秉臺妻年二十五而寡家貧子幼苦志守節
現年七十九

謝氏雲堆傅肇達妻年二十四夫歿守貞至五十八卒
余氏米峯儒童彭永元妻年二十六而寡守貞至八十六
卒

丁氏米嶺巡檢彭志麟妻年十八夫歿苦節至五十餘卒
鄭氏米峯彭志聖妻年二十七而寡守節至六十四卒
徐氏米峯彭湧芳妻年二十七而寡守節至六十二卒
陳氏瑤溪朱相洪妻年二十六而寡守節七十九卒
胡氏瑤溪朱周繼妻年二十七夫歿守節二十餘年卒

高安縣志

卷之二十

閏範

七十一

劉氏瑤溪朱仁厚妻年二十五而寡苦節至今年八十一
胡氏舍前武生梁鳳翔妻年二十四夫歿守節至五十九
卒

朱氏洪城幸朝津妻年二十六守節五十九卒督學張匾
給苦節榮名

胡氏花園渡上伍維木妻年二十五而寡苦節至今七十
七

羅烈女名鳳灰埠秉布女辛酉賊至被執憤罵賊怒支解
之時年十五

傅氏上湖盧欽偉妻媳漆氏元海妻辛酉賊至姑媳偕逃
倏遇賊俱投水斃

謝氏夏坊劉家萬妻年二十八夫歿守節至六十八卒
黃氏橫港毛方沌妻年二十八夫歿守節至今五十七歲
熊氏黃谷塘梅鑾暉妻年二十七夫亡苦節至今六十一
歲

傅氏城上巡檢劉守勸妻年二十一夫歿守節至五十卒
席氏新屋熊鶴年妻年二十六夫歿苦節至今年六十餘
陳氏澧港席名家妻年二十五夫歿遺腹生子及子長克
家常值大荒鄰有鬻妻子者令子出錢畱之現年六十
九

童氏璵溪程全章妻年二十三夫歿守節至今六十五歲
藍氏劉清槐妻年二十八夫歿繼子爲嗣卒年六十四

高安縣志

卷之二十

閩範

七十二

魏氏泉溪墘喻達龍妻年二十九夫歿守貞現年七十六
吳氏深巷童亮采妻年二十夫歿守貞四十餘年卒
劉氏藍坊武生藍玉書妻年二十八夫歿守貞現年六十
一

劉氏翰塘單盛都妻年二十五夫外出辛酉七月賊至投
水死

宋氏翰塘單盛根妻辛酉七月賊至恐被污投水死
陸氏赤岡單家昭妻辛酉七月賊至逼污不從投水死

王氏塘里單昭粹妻媳藍氏昌會妻壬年二十夫歿守節至
七十八卒藍年十六夫亡守節至八十七卒督學張旌

贈兩世節孝匾

熊氏赤岡單功闡妻年二十八夫歿苦節至八十一卒

周氏火石橋魏錫猛妻年二十八夫亡守節現年七十二

常氏南門皮經恕妻年二十四夫亡守貞至七十六卒子

學亮妻

涂氏亦年二十五而寡現年六十五常于道光己

亥請

旨旌表

常氏南門皮學山妻年二十二夫亡守貞至六十八卒咸

豐癸丑請

旨旌表

王氏南門皮學濤妻年二十六夫亡守貞至八十二卒

黃氏南門皮祥麟妻年二十五夫亡守貞至六十七卒

高安縣志

卷之二十

閩範

七十三

諶氏小港觜周言德妻年十八夫亡現年八十同治八年

請

旨旌表

趙氏湖上彭垣世妻年二十六而寡守貞至五十卒

劉氏畚山賈世鶴妻年二十五而寡守貞至五十六卒

熊氏湖上彭忠世妻年二十七而寡更十四年以憂卒

甘氏南城徐繪求妻年二十六夫歿現年六十詳請

旌獎

唐氏南城徐自尙妻年二十八夫歿現年六十三詳請

旌獎

黃氏滙頭楊作梅妻年十九夫歿守貞現年五十八

文氏鳧溪盧振祖妻年二十八夫歿守貞現年七十
劉氏南園羅福介妻年二十四夫歿守貞現年七十
張氏塹岡朱德茂妻年二十餘夫歿撫猶子爲嗣猶子已
娶亦亡與媳羅氏冰霜共勵張現年八十七

羅氏塹岡朱昌錫妻年二十一夫歿守節現年五十八

梁氏孫衍謨妻東湖堆人辛酉賊竄郡氏逃至堆子上胡
姓門前塘聞賊追呼急懼辱投水死時年二十五

陳氏楓林儒童李同賞妻年二十八守節撫子卒年六十
二

劉氏洞口監生熊履讓妻年二十七夫亡守節現年六十

四

高安縣志

卷之二十

閩範

七十四

黃氏西陽劉丁世妻年二十九而寡現年七十

魏氏赤土陳聞琛妻年十九夫亡辛酉七月侍如避賊于

杉林賊至懼辱投水死

吳氏南浦業儒武啟懋妻年二十一夫亡節勵冰霜七十
九歲卒

彭氏古祖陳傳圳妻辛酉賊至投水死

謝氏夏坊劉家萬妻年十八夫亡守節至六十八歲終

孫氏夏坊劉懋迪妻年二十七夫歿遺腹生一子守節至
今年六十

李氏錦溪邑庠梁材妻年二十六而寡繼猶子爲嗣年六
十八卒

鄭氏南城世濟舖謝業贊妻年二十八而寡撫孤守節現年八十三

皮氏城南世濟舖鄭洪鈞妻年二十八夫歿撫孤守節年七十卒道光二十八年學使張請 獎建坊

鄭氏高沙羅福漢妻年二十七夫亡撫孤守節年六十餘卒

胡氏南城錦水坊太學彭旭妻年二十六夫亡撫孤守節卒年六十九學憲張匾旌志凜冰霜

龔氏大港渡毛文琥妻年二十三守節繼姪爲嗣現年五十二

童氏瑪瑙張講書妻十七歸張期月夫亡繼姪生孫而姪
高安縣志 卷之二十 閩範 七十五

又亡與媳孀居現年五十六

鄔氏滙溪黃昭翔妻年二十八夫故訓子成立納粟贈舅姑及夫現年六十一

賈氏藍溪陳傳忠妻年二十九守節撫孤卒年八十四學使張匾旌貞筠勵節

周氏藍溪陳裔大妻年二十六守節至七十二卒
鄧氏畱餘劉達朝妻年二十一守節至六十一卒

朱氏觀溪冷耀裕妻年二十四守節五十年現年七十餘
羅氏官溪邑庠鄧求元妻年二十七夫亡守貞六十八卒

孫節婦下塘胡吉元妻年二十八守節三十一年至五十九歲卒請旌建坊子登雲官州同孫八人志仁廩生

羅吳氏羅周氏羅楊氏羅皮氏羅孫氏羅況氏羅引英羅
閉英羅必英南門艾家壩人黃況氏南門一村人劉晏
氏寄居南門咸豐丁巳五月十八夜郡城賊竄南門焚
殺均被害

席氏協塘徐厚驥妻年二十九守節卒年五十八咸豐丙
辰請 旌建坊

敖氏協塘徐宗意妻年二十九歲守節現年八十五

董氏華塘田先祥妻年二十七守節至七十五卒

游氏橫嶺敖貽高妻陳氏敖遠池妻辛酉賊至懼辱同赴
水死

傅氏燥崗黃光華妻賊逼不受辱觸樹死

高安縣志

卷之二十 閩範

七十六

劉氏西湖葛言文妻賊追懼污投坑而死

謝氏貼上高惟澄妻年二十一夫歿守節現年七十一

楊氏清湖庠生甘棠妻年二十六夫亡守節現年六十

胡氏清湖甘泰階妻二十四歲守節現年七十

熊氏清湖甘盛塗妻年十九夫歿守貞現年五十七

涂氏清湖甘泉妻年二十一夫歿守貞至五十五歲卒

盛氏學山涂三雯妻年二十三夫故守志至七十四卒

王氏坡山朱景麻妻年十八夫亡守貞現年七十五

鄭氏四十都黃民清妻年二十八夫歿矢志撫孤至七十

五而終

高氏筠西况厚紀妻年二十四夫亡守志現年五十六

傅氏官溪鄧植林妻年十五于歸數月夫亡撫猶子爲嗣
現年六十一

盧氏石山雷本祥妻年二十八夫亡矢志撫孤至六十九
歿

余氏易坊職民朱秀章妻性端淑寡言事翁姑以孝相夫
以禮周卹貧乏優禮師儒數十年無倦色以杜公嶺路
難行積紡織錢數十串平治之年五十餘卒臨卒時猶
最子廣積陰德勤讀詩書云

陸氏南城金武政妻年二十八夫歿撫二子娶媳生孫後
其子又相繼而亡孀媳俱克承姑志氏壽至七十二卒
楊氏儒會胡代康妻藍氏儒會胡代瓚妻俱二十餘守節

高安縣志

卷之二十 閩範

七十七

矢志撫孤卒年均六十二

楊氏清湖甘靖臣妻年二十一夫亡守貞以飯奉姑自甘
藿食現年六十五

陳氏稠塘謝楊綿妻年二十五夫歿守貞至六十二卒

楊氏稠塘謝明針妻年二十七夫亡守志至七十卒

袁氏龍家坑太學鄒順興妻翁病醫久無功氏割股和藥
以進然亦卒未見效後承志養姑年至八十三終氏現
年六十餘四世一堂

胡氏古樓太學盛璣妻年二十六夫歿守貞至五十四卒
以子之彥贈孺人請 旌建坊

葛氏古樓太學盛煥妻年二十餘夫亡守貞以子之俊封

恭人請 旌現年五十四

李氏蔡溪太學胡雲昇側室年二十八守節現年五十四
本年請 旌

吳氏璵溪何報言妻年二十五守節至七十二卒道光癸卯請 旌建坊

朱氏璵溪廩生何昕妻年二十九守貞至六十卒

袁氏璵溪何學紫妻年二十九而寡苦節至七十六歿

童氏小城太學朱映金妻年二十四夫歿矢志撫孤現年六十五同治丁卯學使何匾旌淑德貞行

甘氏長山伍崇文妻年二十六守節八十四卒

劉氏堆上胡昌鋹妻年二十七夫歿矢志苦節現年六十

高安縣志

卷之二十 閏範

七十八

一

黃氏盛講太學胡煥廷繼室夫病刲股療之不效撫前適子娶媳熊氏二年而子亦亡兩世孀居黃年六十一熊年五旬歿

江氏坑下章廷秀妻年二十九夫歿守志至七十七卒

童氏松岡熊紹強妻與徐氏熊映奎妻劉氏熊先能妻均干辛酉賊至不從赴水全節

謝氏仙塘歐陽看妻年十八夫亡守貞至七十卒

黃氏西塘陳裔元妻年十六于歸兩月夫往外歿守節至七十二卒

黃氏五里諶模芥妻年二十七夫歿守節現年六十一

張氏貼上高守謙妻年二十二守節至六十卒

楊氏西湖葛象翼妻年二十二守節至六十四請旌建

坊

劉氏埠岡徐必解妻年二十二守節六十八而歿

彭氏埠岡徐必試妻年二十九守節至五十八卒

張氏埠溪武舉汪秉恩妻年二十二守志現年五十五

金氏瀚塘胡宗海妻辛酉賊掠自經死

劉氏瀚塘胡和妻年二十一守志現年五十五

晏氏櫟里艾作修妻辛酉賊至強逼不從時父馥蘭挈妻

鍾氏幼女麻英避賊氏家賊又執麻英亦不從父母見

二女被逼大罵賊怒併殺四人剖其腹馥蘭萬載人寄

高安縣志

卷之二十 閩範

七十九

寓瑞城

熊氏廟前陳正調妻年二十四守節至八十一卒

壽婦張氏分口彭一許妻道光戊申歿年一百有一歲

壽婦傅氏南山邑庠褚亮功妻親見八代五世同堂學使

吳給金護駐蔭顏其堂壽至八十九奉

旨賜眉壽延慶匾額并銀緞以孫博文贛縣教諭加五品銜

貶贈太宜人

黃氏洪城幸元吉妻自二十六歲守節至今五十六

江氏鄧坊鄧萬森妻年二十六夫亡守貞歿年六十一

魏氏招山熊普柏妻年二十八守節至七十三卒

姚氏官庄陳文謙妻年十九守節繼姪爲嗣現年五十五

陳氏楓林李定湘妻年二十三守志歿年七十八
鄧氏楓林李定濤妻年二十二守貞現年五十八

張氏楓林附貢李春園妻辛酉賊至懼辱投水死入祀兩

江忠義祠

萬氏楓林李海瓚妻胡氏赤土陳訓倫妻彭氏赤土陳懋
榮妻均于辛酉賊逼赴水全節

陳氏仿秦王元章妻賊至夫與子被擄氏急撞柱而死賊
焚其室尸亦成灰里人哀之

涂氏大坵郡庠章炳星妻年二十七守節撫孤同治九年
請旌

梁氏大坵章本瑩妻年二十三守節至同治九年請旌

高安縣志

卷之二十 閩範

八十

謝氏灰埠陳廷占之妻年十九夫歿矢志守節事二孀姑
以孝聞御史彭桂馨爲之奏請旌表

陳氏石溪熊攀桂之妻年十九夫歿勵志守節事翁姑克
盡婦道宗族里黨間人咸敬之

胡氏上十二都劉忠圓妻年二十八夫歿守節至今數十
年

徐氏火石橋魏德姚妻年二十三夫故守志至今無異言
周氏富樓幸細典之妻二十九歲夫歿現年八十有四

熊氏楓林涂孔榮妻年二十八夫歿茹苦守節現年五十
九

諶氏珠湖傅侃言妻年二十一夫歿家貧守節年六十卒

吳氏新塘楊效聖妻年二十八守節至六十三歲卒

羅氏係南園處士景星之女適平湖 勅封儒林郎曾春

孝廉鐸之母也性貞靜寡言笑事舅姑克盡婦職通曉
書籍鐸兒時卽授以毛詩孝經及唐人詩句母教之勤
嘖嘖人口年三十一而終鐸之繼母徐氏係協塘職員
國華之女嫻於婦德廕于女紅治家政尤得大體撫鐸
兄弟愛逾所生年三十四而卒邑諸生銘徐出也昆仲
並以才藝知名孫溢淦俱列膠庠

周氏八貞學山涂乘風出繼之母年二十七夫亡矢志撫
乘風以延嗣其生母王氏秀貞年十六歸涂踰年生乘
風夫歿與周氏妯娌相依情同姊妹課子有柳母遺範

高安縣志

卷之二十 閩範

八十一

族人松柏同操之譽現年俱近六十乘風補弟子員
旋食餼諸孫林立

袁氏佑貞涂春林之窻室也適涂未久生子一夫歿年甫
二十五歲誓不二天三十七而卒

龔烈女薔貞郡庠旗耀之女年十四有節操咸豐辛酉年
賊竄郡恐賊污投河而死

鄒氏菱貞高太陞妻年二十八生子一夫亡守節現年六
十

幸氏龍山邑諸生吳儀曾妻年二十七夫亡卒年六十有一
蕭氏广溪蕭元祿女龍山吳懷德妻年二十夫亡現年五
十二歲

袁氏王成章妻年二十八夫亡卒年八十八

李氏協塘徐道御之妻年二十九夫歿事翁姑盡禮嘗爲先人修塚及無主墳皆其蓄積所爲現年六十三

彭氏瑪瑙張永鏞之妻年二十四夫歿孝事翁姑勤儉自勵守節至四十二歲而卒學憲張芾獎以苦節榮名匾額

左氏璵溪旌盛韶之妻年二十三夫亡家貧守節撫姪爲嗣現年八十

唐氏官山李心富之妻年二十四夫故守節四十四年現年六十有八

伍氏南鄉龍城敖執瓊之妻年十四歸瓊三月夫卽遊湖

高安縣志

卷之二十 閩範

八十二

南商歿氏矢志守節撫孤成立咸豐辛亥學憲張賜匾旌表歿年七十有四

傅氏職員黃啟祥之妻年二十四而寡生一子名在中苦節自勵以母道而兼父道訓子成立食餼膠庠現年六十七歲孫曾繞膝咸以爲食報不爽學憲徐給匾茹苦完貞

楊氏塘溪儒童幸朝班之妻年三十夫亡守節事姑孝今猶晨昏不倦撫姪慈敬妯娌入無間言現年五十餘

朱氏塘溪儒童幸朝儀之妻社山邑庠朱重光之女年三十夫亡守節孝行堪嘉宗族奉爲儀型咸稱女中丈夫現年五十餘

李氏橋梓坑職員周大倫側室年十九而寡誓志撫嫡子
廷球成立年六十八學使張文毅書冰霜勵志以旌之
黃氏南溪謝昭鳴妻年十六歸鳴二十五而寡氏矢志守
貞撫孤成立現年六十子彰仁援例入貢

梁氏貢生廷棟之孫女年及笄適五里諶翰忠二十八夫
亡氏矢志守貞家貧無子紡績自供現年八十七

劉氏西陽垂唱女年十九歸五里諶祖貢二十二夫亡繼
夫弟祖莊之子爲嗣家固貧祖莊力田養母氏率妯娌
紡織以助甘旨族黨賢之現年五十七

朱節婦南山儒童何文叟之妻二十七歲夫亡守節三十
餘年撫孤成立年六十五歲咸豐八年沒

高安縣志

卷之二十 閩範

八十三

徐節婦米峯太學生鄭鈺之妻年二十七而寡遺子女俱
幼氏撫養成人婚嫁如禮年五十九而沒

汪節婦米峯鄭越之妻二十六歲夫亡守節養姑教子備
盡婦道子炳燃郡庠生現年六十三歲孫枝林立

龔節婦祥山邑庠生鄭夢湘之妻二十八歲夫亡矢志撫
孤子鳴珂蜚聲庠序年逾花甲而沒後嗣昌盛

涂節婦米峯從九職鄭啟謨之妻年二十七而夫逝氏撫
孤成立守節逾三十年現年六十子敏成太學生克振
其家

彭節婦米峯鄭作傑之妻年二十六而夫亡家貧乏嗣氏
守節三十餘年人罕見其面現年六十有三

諶氏西陽劉垂蒼之妻二十二夫故卒年八十三
 諶氏西陽劉科世之妻二十二夫歿卒年六十有二
 諶氏西陽劉垂贈之妻二十九夫歿卒年七十
 鄧氏西陽劉崇漢之妻二十七夫歿卒年八十
 熊氏西陽劉贊善之妻二十五夫歿卒年五十三
 胡氏西陽劉垂擷之妻十九夫歿卒年七十有三
 胡氏西陽劉育善之妾十八夫歿卒年六十有四
 洪氏西陽劉植世之妻二十六夫歿卒年六十
 諶氏西陽劉步善之妻二十八夫歿卒年六十七
 熊氏西陽劉平世之妻二十九夫歿卒年七十有五
 賈氏西陽劉表世之妻二十六夫歿卒年五十六

高安縣志

卷之二十 閩範

八十四

鄧氏西陽劉顯奮之妻二十四夫歿卒年七十
 謝氏西陽劉許世之妻二十八夫歿卒年七十有六
 陳氏西陽劉垂義之妻二十八夫歿現年七十有一
 程氏西陽劉項善之妻二十二夫歿現年六十有八
 夏氏西陽劉垂洽之妾二十五夫歿現年六十有三
 劉氏五里諶厚播之妻二十四夫歿現年八十繼胞姪謨

興爲嗣

吳氏南溪甘守訥之妻十九夫歿現年六十有二
 戴氏西湖邑庠生王銓之妻年二十三夫歿生一女無子
 撫胞姪兆鳳爲嗣年六十八歿
 傅氏官溪泉港鄧忠楚妻年十六夫歿繼姪爲嗣柏丹矢

志里黨賢之

戴氏西湖邑庠生王銓妻年二十三夫歿撫姪兆鳳爲嗣
含辛茹苦四十餘年族黨咸稱之姪優廩生廷槐姪孫
孝廉學蘓皆得其鼓勵之力歿年六十有四

朱氏龍山吳桂衍之妻社山朱重陽之女年二十七夫歿
矢志守節現年六十二

黃熊氏淥港邑庠生黃學韶之妻年二十六歲夫歿守節
四十年人無間言現年六十四

侯貞女名茶姑務農鄉伏塘人許字鄧姓未嫁夫死誓不
他適家甚貧藉十指度日茹茶飲蘖守節數十年現年
五十有二

高安縣志

卷之二十

閩範

八十五

附錄

胡狀妻金氏 縣丞潘啟元女全姑餘姑 儒士彭名瀛

祖母鄧氏 鹽經歷何嗣曾妻孫氏妾陶氏女七姑九

姑十姑十一姑十二姑 幕友沈廷諧母施氏庶母張

氏妾李氏胞妹二人失其名 徐子與妻况氏 彭懋

石妻曾氏 張永禧妻褚氏 孫允升妻漆氏 鄒某

妻失其氏 孫永績妻劉氏 龔正圖妻楊氏 敖宜

雪妻賈氏 監生陳暢烈妻熊氏 彭志尊妻鄭氏

江道行妻徐氏 鄭希賢妻胡氏 彭茂芳妻鄒氏 彭

祥萬妻黃氏或作王 鄒耀南妻徐氏 毛奴新妻陳氏

鄭懋選女蕙貞 鄒士吉妻鄭氏 黃露妻鄧氏 金世

錦母楊氏 陳清泉妻劉氏 毛文思僕婦傅氏 失
其夫名徐氏 陳崇燝妻熊氏 從九黃延祿妻章氏
胡應廣妻鄧氏 毛留芳妻曾氏 曾泉良妻陳氏 謝
揚堆妻沈氏 江楊林妻徐氏 鄭以證女玉貞 易
元道妻徐氏 晏普嘉妻丁氏 徐愛成女蒂貞 陳
傅圳妻彭氏 吳統奎妻袁氏 彭名業妻鄭氏 按
照磨銜單吉昌妻劉氏 鄧揚美妻賈氏 黃光華妻
傅氏 敖名高妻游氏
以上咸豐辛酉粵賊至被害者本年未據呈報由省城
忠義局抄案補入